

# *TSENOLO, KHAOLO 'NE*

## *KAROLO I*

 Amen. Rorisang Morena. [Sekheo lebanteng—Mong.] . . . boithati. Ke nahana hore ke boitšoaro ba batho ba bangata. Ho hotle haholo, khaitselinya mono, temana eo ea ho qetela. Ke e ananetse seo haholo. 'Me rona . . . ho kena bosius ba Selemo se Secha ha ke kholoe u ka bina letho le fetang moo, ntho efe e loketseng bosiu bona.

<sup>2</sup> Ekare re qala selemo hantle; uh-huh, ho hotle le lehloa le a khethetha ho bohlasoa kantle, boso ba tloaelo ba Indiana nakong ena ea selemo. Ka hona mona ke bona lona batho ba tsoang Georgia, le holimo Ohio. Joale, Moena Dauch, uena le Khaitseli Dauch le tseba seo e leng sona, ka ha Ohio e itšoanelia. 'Me . . . empa, re ea Naheng moo ho sa tlo ba le letho leo. Uh-huh. Ke eona taba.

<sup>3</sup> Bona ke bosiu ba Selemo se Secha, selelekela. 'Me, ehlile, mang le mang o ngotse kano le boitlamo ba lona ba Selemo se Secha, ebe letsatsi kamora hosane bo tla be bo robiloe kaofela. Mme kahoo, le a tseba, u phetla leqephe le lecha selemo ka seng, le ho khutla ho le phetla hoseng ho latelang, ho e etsa hape.

<sup>4</sup> Empa ntho e le 'ngoe feela eo—eo ke ratang ho e bua, mme ho joaloka ha Moapostola Pauluse a boletse, "Ho lebala lintho tse morao, liphoso tsohle tsa ka le lintho tsohle tseo ke li entseng, Ke hahamalla pheo ea pitso e holimo ho Kreste." Ke ikoahlaela liphoso tsa ka tsa ngoahola, le sekoto sa bophelo ba ka bo fetileng, 'me ka boikokobetso ke Mo kopa mohau ho hahamalla pele pheo ea pitso e holimo. Ke kholoa boo e le bopaki ba—ba rona kaofela, re ka ikutloa joalo.

<sup>5</sup> Ke masoabi ha bosiu bo le bobo hakana 'me—'me batho ha ba khona ho tla. 'Me ke letsilitse Moena Neville, ha ke a tseba haeba a tla fihla mona kapa che. Eaba Moena Skaggs o a fihla, 'me o tsoa tlase koana Kentucky teng le khethethile maoto a mararo kapa ho feta tlase mono. 'Me ka hona . . . Kapa, "Le ka ba le *kana*," o itsalo, eaba o kopa rapolasi ho mo hula makhetlo a 'maloa 'me a mo hloesa leralla ka terekere. 'Me ka nahana, "Be, haeba le tebile ka di-inchi tse peli kapa tse tharo feela, re ke ke ra tsotella, uh-huh, haeba ho le joalo feela." Empa litsela li a paroloa 'me mang le mang o a feta.

<sup>6</sup> Joale, ehlile, bona ke bosiu ba mohla re utloang bareri ba mehlahloe, ba fapaneng ba kenang. 'Me ba ka hlaha hlaha ka makhalo a fapaneng bosius bona, ho fihlela khitla. Ke a kholoa ba tla lula ba shebelle haeba . . . Selemo se Secha ho feta . . . ho

kena, 'me sa khale hore se tsoe. 'Me hangata ba teela aletare ba rapela le—le ho etsa likano tsa bona ho Molimo le ho nchafatsa likano tsa bona—tsa bona.

<sup>7</sup> Ke boleletse Moena Neville... 'Me ka mo letsetsa ho bona haeba a tla fihla. Ka re haeba a sa tle, ke tla leka ho tsoelapele ka bokhoni bohole ba ka. 'Me haeba a sa khone ho fihla mona hoseng, khele, Ke tla tsoelapele ho etsa sohle seo nka se khonang haeba a sa khone—a le sieo mona. 'Me ka 'molella hore ke tla leka bosiung bona, ke hopotse ho nka molaetsa oa metsotso e ka bang leshome le metso e mehlano, kapa ho hong. 'Me, re a bona mona le tšoere baruti ba 'maloa ba lutseng mona, ba letile.

<sup>8</sup> Kahoo ke ne... ke hopotse ho tsoella ka buka ena ea Tšenolo, ho tsoelapele hantle feela ho theoha, ho nka khaolo ea 4 joale, ho qala. 'Me haeba re sa e qete nakong ena, re tla tsoella khetlo le latelang. E ntoo ba ho ea ho ea 5, le ea 6, kamoo re ka khonang feela. Morena a re thused ho feta ho eona.

<sup>9</sup> Ke batla ho bolela, pele re qala, hore ho bile le... ke ne ke etetsoe nakoana e fetileng ke—ke... Moena Drummond Thom le mohatsae. Enoa ea lutseng mona bosiung bona ke 'me oa hae le ntate. 'Me ba tsoa khutla Afrika litšebeletsong tse kholo tsa ho pholosa meeal le litšebeletsong tsa pholiso ea Khalalelo. Eaba leleitinyana lena le nka... Ke a kholoa malulo a nkhono oa hae, letsatsi le leng, le ho tšoara tšebeletso ea teronko, 'me baetsalibe ba tla ho Morena, le ntho eohle. Ho ile ha babatseha feela kamoo Molimo a sebelisang banyalani bao ba bacha. Ba mona joale Amerika nakoana ka boevangeli.

<sup>10</sup> Haeba mang oa lona baruti... Ke batla ho ngolla Moena Drummond e... Drummond, 'na, yaa, lebitso leo le a nkhaka. Horeng a sa nka lebitso le letle la Senyesemane 'me a lebala leo? Ha re mo letsetseng feela, le reng, hobane leo le a nkhaka, che. Ha ke kholoe halofo ea rona e le khona. "Drummont," ha ke nahana, le qapolissa joalo; le Khaitseli Charlotte. Ha mang a rata ho ba thola, ruri nka thabela ho ba utloa ba kena kerekeng tsa lona.

<sup>11</sup> Leleiti leo, Khatseli Charlotte enoa, ke ngoana feela. O pakile mona holimo mono nakoana e fetileng, ho Meda, ka boiphihlelo ba bona Afrika, 'me ke a le bolella keha e le... Billy, bo khutlisitse mehla ea khale hape; ekare o ne a bua Seafrikanse. 'Me tlase mono ntoa e loana joaloka mona.

<sup>12</sup> Mang ea ka ratang ho inkela Moena Drummond bakeng sa... le Khaitseli Charlotte, bakeng sa letšolo kerekeng ea bona, ha u rata, le ka letsetsa Moena Tony Zabel mane MElrose 7-3945. Ha u rata ho e ngola fatše, ho lona basebeletsi ba bang, ke hlile ke thoholetsa Moena... Hobane ke moreri ea khabane, moshanyana ea tšepehang, o hlile o hloka ho qala, ho simolla. Mme o sebete, moshanyana ea lokileng, 'me ke mo rata haholo. Joale, le hopole, MELrose 7-3945. 'Me ke tla siea karetencyana ena mona, hore haeba u... Ke karete ea bona eo, ha u sa khone ho ngola nomoro

eo, be, u ka tla e nka, kapa nako efe kamora khefutso pakeng tsa litšebeletso tse fapaneng bosiung bona. Nka linomoro tsa bona u ba letsetse ha u rata ho ba sebelisa likerekeng tse ling tsa lona ho tšoara kopano, kapa mang eo u mo tsebang ea ka ratang ho ba nka, hobane ba ntse ba haola le Amerika.

<sup>13</sup> Na hase tabahali eo? Afrika e tlameha ho romela baromuoa mona Amerika! Mona ke hona moo ba hlokoang teng, hantle mona, hampe ho feta mono.

<sup>14</sup> Joale ba bakae ba thabileng le ba nyakaletseng ha Morena o a le babaletse selemong se seng? Ke rona bana, re fihla holimo qetellong ea tsela. Le ho rapela Molimo ho re tšoarela libe tsohle tsa rona le mefokolo ea rona.

<sup>15</sup> Joale, ke batla ho bua ka mokhoa ona pele ke qala. Ke lakaletsa, mang le mang oa lona bohole, selemo se secha se atlehileng fetisia le se hlohonolofetseng ka ho fetisa le se atlehileng seo nka le lakaletsang sona. Molimo a be le lona! Le hole 'meleng, le moeeng 'moho, le licheleteng, le linthong tsa nama. Sohle seo Molimo o ka le tlisetsang sona, ke O rapela ho se phethisa.

<sup>16</sup> Joale ke tobane le selemo se secha, ka bonna, ke Molimo feela o tsebang bokamoso. 'Me liqeto tsa rona li tlameha ho etsoa hang. Re tšoere lintho tsohle tsa rona. Moena Jim, holimo mane, o se a hlophisitse joale, limemo le lintho tse tsoang machabeng, lefatše ka bophara; ho bona moo Morena a tla re isa teng. 'Me ruri ke kopa lithapelo tsa lona batho, ho rapela ka pelo ea lona eohle hore Molimo o se ntumelle ho khelosoa le ka mohla. Ke—ke... Sohle seo ke batlang ho ba sona, ke ho tšepeha le ho se khelosoe. 'Me joale, ke bile le selemo se setle.

<sup>17</sup> Hangata, batho ha ba utloisise. 'Me ha ba re, "Moena Branham, u a—u a...ha u sa etela libaka joaloka mehleng, joaloka ha bareri ba bang bana ba bang bana ha ba etsa, 'me ba ruile tsohle..." Ke—ke ithutile ntho e le 'ngoe, ho ithuta thuto ho tsoa Bibeleng ea rona le ho Morena oa rona, hore Jesu e ne e se moiportši. O—O ne a na ntho eo, O ne a se na boipontši. Le a bona, E—E ne e se moiportši, ho hang. Ebile ha ke lumele barutua ba Hae e le baipontshi. Ha ho mohla ba ikentseng baipontshi.

<sup>18</sup> Ke hopola re fositse mokubetso habohloko mono kajeno, (Ekaba mohopolo oa ka feela.) hoo, ha re a tlameha ho phatlola ntho eohle pepenene, le a tseba hobarang, Ke hopola e shebala e le boipontši ho feta khalalelo.

<sup>19</sup> Na le lemohile ho tleng ha Morena, bao ba Mo amohetseng e le ka 'nete? E ne e le Simeone, ha ho mang ea utloileng letho ka eena, empa o ne a lebelletse Morena. Sefofu Anna, ka tempeleng. Johanne Mokolobetsi, lefelleng. Le bao...

<sup>20</sup> Johanne o kene lefelleng a le lilemo li robong, ha ka a hlaha hofihlela a le mashome a mararo; lefelleng. Le banna ba kang bao ba lumetseng ka sekhukhu, 'me ba lula ba ikokobelitse, ba ne ba lebelletse ho tla ha Morena. Ha ba ka ba pepesa likopano tsa bona le ho tlameha ho li maneha holima matšoao a maholo ("Hora! Nako!") le—le likhaso tsa lithelebishese le ntho eohle. Ho itoketse ho bohle ba batlang ho e etsa, empa, ho 'na, ha e bonahale joaloka Kreste.

<sup>21</sup> Ke tseba e mong oa baena ba Hae a itse ho Eena ka mohla, ho re, "U etsa mehlolo ena le lintho, hobaneng U sa nyolohele mona ho la—ho la Jerusalema? 'Me re nyolohela moketeng oa Paseka, laetsa Kaiafa moprista e moholo, le bao bohle, le ho ba tsebisa. Etsa ho pontšeng ea bona joalo, ba bone mesebetsi ea Hau. 'Me joale, bona, U ntse u hlophana le mphi ea batshoasa-lihlapi ka baka la eng, le joalo-joalo, tlase holima noka, le sehlopha seo sa bo-e-seng-mang? Eng... Hobaneng U sa nyolohele mona oa e supisa lefatše?" Le a bona?

<sup>22</sup> Jesu o itse, "Hora ea lona e joale, hora ea Ka ha e-so fihle." Uh-huh. Le a bona?

<sup>23</sup> Johanne khetlo le leng... Johanne Mokolobetsi, e—e Mangolo a boletse ho fihla ha hae. Le ho re, "Mohla a tlileng, hoo..." Khele, Esaia o boletse, lilemo tse makholo a supileng le leshome le metso e 'medi pele a tsoaloa, "Ho tla hlaha lentsoe la ea hooang feelleng." Le ho re, "Lithaba tsohle li ile tsa thala joaloka likonyana, mahlaku ohle a opa liatla, libaka tse liphameng tsa kokobetsoa, le libaka tse tlaase tsa phahamisoa."

<sup>24</sup> Liporofeto tse joalo! Le hopola bareri ba letsatsi leo... Mohla ba ne ba thonaka taba Eo, ba tlameha ba be ba itse, "Khele! Mohla moporofeta eo oa senatla a fihlang, motho mang le mang o tla mo tseba. Molimo o tla alola marulelo a leholimo, mehohoma ea Leholimo e tla lepeletsoa, koloi ea mollo e tla theoha, sehlopha sa 'mino sa mangelo se mo felehetse ho tla lefatšeng."

<sup>25</sup> Mohla a tlang, ke ha e le moreri oa khale ea sefahleho se mohoete a itlamile ka letlaloana la nku, ka letlaloana joaloka leqhaama. A eso tole le ka mohla; khoeli-tharo ka nngoe kapa 'ne. Kantle mane lefelleng, ho tsoa, ho ema hara seretse, botebo ba lengole, a rera, "Bakang, hobane 'Muso oa Leholimo o atametse!" Ha ho mohla a eteseng metseng. Mang ea batlileng ho mo utloa, ba tsoela Jordane ho mo utloa, bao ba batlang. O ile a etsang? A sisinya sechaba, a sisinya lefatše.

<sup>26</sup> Tšisinyeho e teng eo batho ba sa tsebeng letho ka eona. Mohla Jesu a tlileng, ha A Itlhahisa hara liriti tse phahameng. O tlide ho ba Habo ka Sebele, O tla ho Ba neng ba Mo shebeletse. Ke hona moo tšisinyeho e hlhang. Ke seo A se etsang kajeno. Moea o Halalelang o tla ho bao Molimo o ba bitsitseng. Tšisinyeho e

kholo e teng hara Bakhethoa. Ntho e kholo, e matla e ntse e etsahala, athe lefatše ha le tsebe letho ka eona.

<sup>27</sup> Ba nahana, linthohali tsena tsohle tse khabileng, le likhaso tsa lefatše ka bophara, le lithelebishene, le meaho ea didolara tse milione, le ntho eohle, tseo ke tsona lintho tse kholo tse etsahalang. Ke boootla pela mahlo a Molimo. Molimo ha o shebe lintho tse kholo. Seo motho a se bitsang “bothoto,” Molimo o se bitsa “Seholo”; le seo motho a se bitsang “seholo,” Molimo o se bitsa “bothoto.” “Ho khahlile Oona, ka bohlanya ba ther, ho pholosa ba neng ba timetse.”

<sup>28</sup> Joale, Johanne. U nahana hore ba reng? “Lehlanya la khale le teng kantle mono, thaka la khale le sefahleho se mohoete, le tsoa lefeelleng le itlamile ka letlalo la nku. ‘Me, khele, o eme hara seretse, a sa roala maotong, ka ntle mono lebopong la Jordane, le tsoeletse kantle mono. Ke mang ea kileng a utloa ntho e joalo?’”

<sup>29</sup> Mohla Jesu a fihlang. “Messia, ea tsoaletsoeng koana setaleng, holima qubu ea joang, mme—mme a teetsoe hare ke likhomu tse llang? ‘Me—’me u bolela hore ka ’mè... Ke oa bonyatsi, ka ha ntate oa hae... ’Mè e ne e le moimana le pele ba chata, khele, O hlahetse kantle ho lenyalo le halalelang. Thaka leo?’ Oh, banna! Le a bona? Empa E ne e le Kholo, feela ha E tseba. Le a bona? Ba ne ba sa E tsebe.

<sup>30</sup> Le Evangelie joalo kajeno e “Kholo.” ‘Me Evangelie e reketlisa kamoo E-so reketlise pele, empa E reketlisa hara masala. Ke hantle, ho ba hleka ka nepahalo.

<sup>31</sup> “O tlide ho ba Habo ka Sebele, Ba Habo ha ba ka ba Mo amohela.” O boleletse barutua ba Hae, “Le se ke la ea ka tsela ea Balichaba, le mpe le ee linkung tsa Israele tse lahlehileng. ‘Me, ha le tloha, ea le amohelang o amohela le Nna. Etlereha le kena motseng, ba sa le amohele, le hlohlore lerole maotong a lona le ikele. ‘Me kannete Ke re ho lona, Sodoma le Gomora li tla ba chatsi ha li bapisoa le motse oo letsatsing la Kahlolo.’” ‘Me o mong le o mong oa metse eo e nyelisitseng banna bao o rapaletse meloreng kajeno. O mong le o mong o ba amohetseng, o sa eme e le bopaki. Ke hantle, le a bona. Leha karabelo e ka lieha halele; empa Molimo o a araba, se tsoenyeho. Ha ke batle ho qala ka taba eo, ha ke sa tla kena ho Tšenolo. Oho!

Oh, ke batla ho ‘Mona, ho boha fahleho sa Hae,  
Teng ho bina kamehla ka mohau oa Hae o  
pholosang;  
Ke pha’mise lentsoe la ka literateng tsa  
Khanya;  
Matšoenyeho a fetile, ke hae qetellong, ho  
thaba kamehla.

<sup>32</sup> Ke rata seo. Ha re inamiseng lihlooho tsa rona nakoana. Na u ka rata ho ema pele u etsa joalo? Ke—ke nahana... Bibebe e boletse, “Ha le ema, le rapela, le tšoarele.” Ba ba kae ba nang le

kopo eo le ka ratang ho e tsebisa feela ka letsoho le phahameng? Hopola, Molimo o a e bona, O tseba tsohle ka eona.

<sup>33</sup> Ntata rona ea Maholimong, re atamela Khalalelo ea Hau e Khethhehileng ka Lebitso la Morena Jesu, Lebitso leo le bokhoni-bohle le suoeng bana ba batho mona, esita le maloko a Lehelimong le lefatšeng ohle a bitsoa "Jesu."

<sup>34</sup> 'Me re a rapela, Morena, hore U tle u amohele liteboho tsa rona. Pele, ho qala, selemo sena se shoang... re tumisa ho tsoa ha sona tšebeletsong ena, ho tumisa ho tsoa ha sona ka ho lebisa thoriso, ho batlisisa Lentsoe la Hau le ho tseba seo HO RIALO MORENA e se bolelang. Re ka ngola lintho tse kae pampiring ho li lebohela! Re pholohile, ka lengenqe mongoaha, athe Satane a ka be a timelitse bophelo ba rona, empa ha U eso qete ka rona le joale. Re sa tsoelapele ka hona. Re a lumela, Morena, lefatšeng lena re tsoetsoe re holiselitsoe ho hlompha le ho tlotsila Uena.

<sup>35</sup> 'Me re a rapela, Ntate, U tle u re tšoarele molato o mong le o mong le phoso e ka 'ngoe eo re e entseng mehleng ea leeto. Re lebale liphoso tsa rona bosiusing bona re sa ipolela tsona, ho li pata Leoatleng la Tebalo, ka Lebitso la Morena Jesu, li se hhole li epolloa hape; empa joale ke ho hahamalla pheo ena, ea Monna eo ea phethethileng, Kreste Jesu. Aba sena bosiusing bona, Ntate.

<sup>36</sup> Bahlanka ba Hau e tle re ha ba bua, e mong le e mong oa bona, U ba tlotsa ka Moea oa Bophelo, 'me ba rere ho feta mehleng, le ho tlisa melaetsa kahara kereke bosiusing bona.

<sup>37</sup> 'Me re phuthehile mona tlasa marulelonyana ana, ao re a lebohang, Morena. Re leboha leifo leo re le athametseng, le marulelo holima lihlooho tsa rona, ke phetho se hlokoang.

<sup>38</sup> Hoba matlotlo a rona ha a lefatšeng lena, a lefatšeng le tlang ho tla. Molimo, re a boloka holimo mane moo re lumelang masholu a ke ke a thuba a kena a utsoa, le tšoelie ha e a senyenteng, hobane matlotlo a rona ke Bophelo Bosafeleng. 'Me re a rapela, Ntate, U re lumelle ho ananela hoo matsatsi ohle a ho phela ha rona.

<sup>39</sup> Re etse bahlanka ba tšoaneleheng. Tlosa bobo bohle ho rona, Morena, tsohle tse fetileng. E behe... E se eka metso eohle ea bokhopo le lonya bohle e ka falatsoa maphelong a rona, re tle re ikokobetse re be mosa pel'a Hau. Aba sena, Morena. Re be le selemo se fetisisang ka boholo seo re kileng ra se fumana, isao ena. Aba sena. Re fe joale, bosiusing bona, Lentsoe la Hau re sa emetse melaetsa ea Hau. Ka Lebitso la Jesu re a rapela. Amen. Le ka lula fatše.

<sup>40</sup> Joale, ke batla ke thatafalloa ho bona tšupanako mane, 'me ha ke batla ho emisa baena beso halelele, ke tla leka ke hona ho potlaka ka khonahalo ho nehela karolo ena. 'Me, koana, ha re sa qete, re tla leka ho tsoella mohlomong hosane hoseng, ha Morena a ratile. 'Me hape ha Moena Neville a sa theohe, kapa eng, be,

joale ke tla leka, ha Morena a rata, ho fihla mona ho ntšeletsa tšebeletso ea sekolo sa Sontaha.

<sup>41</sup> Joale, le se lebale joale:

Rapela, rapela, eona feela tsela  
 . . . hlaeletsa nqa liphahameng;  
 Rapela, rapela, thapelo ea tumelo  
 E tla theola maseho a Molimo.

<sup>42</sup> U tla khona joalo feela. Ha re se bineng 'moho. Selemo se Secha sena se kene joale. Re na le nako e ngata.

Ha re rape leng, rape leng, eona feela tsela  
 Ho hlaeletsa liphahameng;  
 Rapela, rapela, thapelo ea tumelo  
 E tla theola maseho a Molimo.

<sup>43</sup> Efela ha thapelo ea tumelo e theola maseho a Molimo, re mpe re tsoelepele ho rapela. Ke thabo, bosiung bona, re fumane lifahleho tse ncha 'Musong oa Molimo tse neng li le sieo ngoahola. 'Me 'na, ke tla tsoella ho eketsa ho rapela le ho rapela hore ho ekeletsoe ba bang ka linako tshole. Le bohare ha bo e-so boleloe ebe ho tla ba joang mose oane.

<sup>44</sup> Joale, re tla phetla khaolo ea 4 ea Tšenolo. Motho o teng ea hlokang Bibele? Re tšoere Libibele tse 'maloa holimo mona ha u rata ho re sala morao. Ho lokile, e mong oa diashara a tle joale, mona re tšoere letoto la Libibele. E mong oa diteraseti, diashara, kapa ho hong, nyolohela koano hang. Moena Zabel; e mong hape a tle, le eena. Haeba le batla ho nka mahlakore a mabeli, 'me re tla theosa ka mola. Mang ea batlang Bibele, ho re sala morao tseleng joalo, khele, le ka li theola feela la li neha mang ea li batlang.

'Me re batla le phetle joale ho Tšenolo, khaolo ea 4.

<sup>45</sup> 'Me, joale, haeba u lutse ka morao u batla ho atamela pele mona, sebaka sa rona se lekane bosiung bona hore u ka nyoloha. 'Me u phutholohe, le ho ikakhela hantle feela thutong le ho nthusa 'ho e bala, le ho batlisisa ha re kopana. Litulo li teng holimo mona. Ke bona ho tla ba babeli. Litulo tse peli ke tsena mona hantle. Se seng sa motho a le mong ke sena mona. 'Me hantle morao mona, litulo li teng holimo mona. Ke a kholoa dibolowara li fokela hohle feela.

<sup>46</sup> 'Me joale, ba natefetsoeng ke thuto ea rona e fetileng ba ba kae, thuto ea matsatsi a robeli ka *Mongoaha e Supileng ea Kereke?* Ke a leboha. Ke a thaba, hoba le 'na li ile tsa ntlhohonolofatsa haholo.

<sup>47</sup> Joale, bosiung bona ka khaolo ea 4, re a tloha joale, Johanne o ne a buile le Mongoaha oa Kereke ea Laodisea. 'Me, ho Mongoaha Kereke Laodisea ena, e ne e le mongoaha kereke o hlekemaneng ho e fetisa eohle.

<sup>48</sup> 'Me re fumana lihlong tse fetisang sekotong sa ho qetela sa Mongoaha Kereke Laodisea, Jesu a eme kantle ho kereke ea Hae ka Sebele teng A ntshitsoe, a kokota monyako, a leka ho kena hape. Na seo ha se sebe? Ke hopola e le leng la Mangolo a bohloko ao nkileng ka a bala. Jesu, ka ntle ho monyako oa Hae ka Sebele, 'me kereke ea Hae e ne e Mo ntšitse, 'me A leka ho khutlela kahare ho ba pholosa feela. "Ekareha e mong a bula, a Ntumella ho khutlela tlung ea Ka ka Sebele, Ke tla lalla le eena le eena le 'Na." Na hoo ha se e . . . na ha e haule? Molimo oa Lehohimo, o ntshitsoe kerekeng ea Oona ka Sebele, ke litumeloana tsa bona le malumeli lemekhoa ea bona. Ho ba ntsha . . . ho Mo ntsha kerekeng, ho amohela tumeloana ea bona.

<sup>49</sup> Ho tsšoana le mohla Jesu a neng a thakhisoa. 'Me ke mohla ba amohelang Barabase, 'molai, ba thakhisa Jesu. Ho lokollela 'molai hara bona, ea pakiloeng e le "molai," le ho amohela . . . le ho latola Jesu Kreste, Eena feela ea neng a ka ba fa Bophelo.

<sup>50</sup> 'Me ho a tshoana le ka bolumeli ka bong, le bolumeli ba Pentekosta, bo se tshoereng kajeno. Ba bona hoba mekhatlo eo e shoa kapele feela ha e hlophisa bolumeli. Ha ho le o mong (ka—ka maqepheng a nalane) o kileng oa hlophisa bolumeli ha o a etsa letho haese ho shoa hang. Mehloho eohle, meeka, le lineo tsa ba lesa, le sohle, hang feela hoba ba hlophise bolumeli. 'Me sebakeng sa ho amohela Morena Jesu ho ba fa Bophelo, ba khutla hantle ba lokolla Barabase hara bona hape. Na ha se ntho e mpe eo? Ha ho makatse Molimo o ntšitsoe kerekeng ea Oona, oa ema, oa kokota, mongoaha kereke ea ho qetela, ho leka ho khutlela kahare.

<sup>51</sup> Joale, re fumana Tšenolo e hlopholotsoe likoto tse tharo. Sa pele ke likhaolo tsa pele tse tharo, tse amang Kereke, Molaetsa, lengeloi . . . ho mangeloi a Kereke. Le ho tloha . . . 'Me E ntoo nyamela hona moo khaolong ea 3, ha e hlahe hape ho fihlela khaolo ea 19, khaolong ea 19 E ile ea khutla. Lipakeng tsa nako ena, Molimo o sebetsana le Bajude. Joale, ho tloha mohlang oo ho ea pele, ke lipakeng tsa ho fihla ha motse o moholo oa Jerusalema, le—le ho tshoauoa ha batho ba Israele, le joalo—joalo, nakong ea qetelo.

<sup>52</sup> Joale, ka hona bosiusng bona re a tloha . . . Hang kamora mona, Johanne o bone . . . Sehlekehlekeng sa Patmose . . . Ba ba kae ba hopolang hoba bohole ba Patmose ho tloha e . . . ho tsoa lebopong? E ne e le bohole bofe? Ekaba limaele tse mashome a mararo, ke hantle, ho tloha lebopong. Athe mopotoloho oa Patmose e le bokae? Le sa hopola thutafatshe e itseng? Mopotoloho oa dimaele li ka ba leshome-hlano. 'Me se sebelisetsoa kholeho ea Maroma, ho hlahlela batšoaruoa mono. 'Me Johanne a le mono ka lebaka lefe? O ne a entse'ng? Na o—o ne a utsoitse ho hong? Che. Na o . . . Ba mo ntshitse hobane a ferekantse batho le . . . kapa ho etsa bobo? Che. Athe o ne a isitsoe

mono ka baka lang? Ka baka la Lentsoe la Molimo le la bopaki ba hae, ho bolela Evangel.

<sup>53</sup> Mme na ntho e ka hlahela Mokreste e se molemong? Che, che, che. Joale Molimo o mo isitse sehlekehlekeng mono a 'notši ka morero ofe? Ho re fa Buka ena ea Tšenolo. Le a bona, Molimo o ka reba diabolosi nako efe ha O batla. Ha O khone na? O a khona feela. Ke mpa ke Mo rata feela. Hobane, ha ke a tlameha ho ba masene, le a bona. Joale, holane ke le masene, nka leka ho lebala sohle ka eona hoba ke tseba ho se ea ka Mo fetisang ka bohlale. 'Me ka hona ke—ke mpa feela . . . Ling tsa ka tsohle, ke li inehela Oona le ho etsa seo O se laelang. Ke phetho. Ka linako tse ling se khahlano haholo le mohopolo oa ka. Empa ke a tseba, haeba A tataisa, O bohlale. O tseba seo O se etsang, 'na che. Ke mpa ke O lesa ho e etsa, le a bona, ka hona feela ke . . . ho lokile. Le a bona? Ke O lesa ho e phethisa feela. Ke eona, Moena Neville. E, monghali, ho Mo lesa ho e phethisa feela. Le a bona? Ke Oona O tsebang see o se etsang, 'na che. Le a bona? Ha ke leke ho khabisa ka lipalesa tse kholo le lintho. Ke mpa ke ikokobetsa feela, le ho re, "Ke 'na enoa, Ntate, nako efe ha U mpatla." Tsoelapele joalo feela 'me kamehla e hlahella hantle.

<sup>54</sup> Kahoo, Johanne, re ka be re sa fumana e—e Buka ea Tšenolo holane e se be ka baka la Johanne, le holane Johanne a sa tsoela sehlekehlekeng seo. E le tsela ea Molimo ho re hlahisetsa Buka ea Tšenolo. Eaba o kantle mono, ke a kholoa, lilemo li ka ba tharo, 'me Bukeng . . . ho ngola Buka ea Tšenolo.

<sup>55</sup> Joale, ha re mo tlohela qetellong ea memo, ea temana ea 22 ea khaolo ea 3, "Ea nang le tsebe, a utloe seo Moea o se bolellang likereke."

<sup>56</sup> Joale, ho qala khaolo ea 4:

*Kamora tsena ka talima, 'me, bonang, monyako oa buloa leholimong: 'me lentsoe la pele leo ke le utloileng le ne le le joalo . . . terompeta e buang le 'na; le re, Nyolohela koano, 'me ke tla u bontša tse tlāng ho etsahala kamora mona.*

<sup>57</sup> Re tla E qotsa temana ka temana. 'Me mona ke ngotse Mangolo a mangata, buka ea ona, 'me ha ke tsebe na re tla E kenella hakae. Morena A ke a re tataise. Joale, hlokomela, Lentsoe ke:

*Kamora lintho tsena (kamora mongoaha oa Kereke) . . .*

<sup>58</sup> 'Me sohle ho tloha kamora mona, joale, se tla be se lebahane, se tla etsahala lefatšeng kamora Hloibilo ea Kereke. Le a bona, kamora Hloibilo. Mona joale ke ho khutla le ho thonaka Israele. Kamora mongoaha oa Kereke, kamora mengoaha ea Kereke, 'me bona . . . Kereke ha e hlole e bitoha haese hofihlela Tšenolo

khaolo ea 19 mohla E khutlang le Monyali oa Eona. Ho bokoe Molimo ka Lenyal!

<sup>59</sup> Ha re baleng taba eo feela. Na le ka rata ho bala Mangolo ana re sa haola? Ho lokile. Ha re phetleng feela ho Tšenolo 19. Ho lokile, monghali, Tšenolo 19. Ha re qaleng temaneng ea 7, Tšenolo 19. Mona ke mohla Kereke e boelang e hlaha, ha e hhole e hlaha hofihlela khaolo ea 19.

*A re thabeng re nyakalle, 'me re mo tlotlise: hobane lenyalo la Konyana le se fihlike, 'me mosali oa eona o itokisitse.*

<sup>60</sup> Oh, nka—nka rera hofihlela khitla ke sa hlahise le mokhethetho feela. Shebang, “Mosali oa Eona o itokisitse.”

<sup>61</sup> Charlie, Nellie, le lona bohle, hantle feela seo re buileng ka sona, tlase mane, le Rodney, tsatsi le leng. Le a bona? Mohla Elisha a lahlelang kobo eo holima Elia... Kapa Elia a e apesa Elisha; a e nanabela a boela a e hlobola, a e apara a tsamaea a e apere hofihlela a tšela Jordane, mme a nyolohela thabeng a palama koloi, a e liha.

<sup>62</sup> Khetlo la pele ha Mokreste a bolokeha, sefahleho sa hae se tsepame ho Kreste, le eena o tlameha ho etsa lethoana. O tlameha joalo, ntho e latelang, ho ikhalaletsa mekhoeng eohle e litšila, “ho behella ka thoko boima bo bong le bo bong, ho Itokisa. Monyaluoa o Itokisitse!”

<sup>63</sup> E nhkopotsa palenyana, ke tlameha ho e phetha pejana ke tsoa tema. Kantle mona Bophirimela, nakoana e fetileng, lilemong tse ngata, ho bo ho le Armour and Swift Packing Company. Kamoo ba sebetsang, ba tsoela mono ba reka makhomu le mapolasi. 'Me a ja chelete e ngata, ba reka mapolasinyana ohle, ba ikabe ka lihektara tse limillione tsa polasi joalo, ba rue likoto tse kholo, tse ntla tsa makhomu a Hereford. Ling tsa bona... Ba tee litsela tsa seporo le lintho tse thotang makhomu ho tloha lekhulong ho ea ho le leng.

<sup>64</sup> 'Me Armour and Swift e na le polasihali, mme ka tsatsi le leng mono ho bo ho le moetapele, suprintende, joalo, oa polasi, a le barali ba bane kapa ba bahlano. 'Me e mong oa baena ba baholo ba Armour e le... kapa, e se baena, empa bara, a tla etela polasing. 'Me e ne e le e—e mohlankana, oa lesoha. 'Me banana bana bohle ba khotsue ho khahla moshanyana enoa hang ha a—a fihla. 'Me bohle ba ne ba itlhophisa le ho lokisetsa ntho e 'ngoe le e 'ngoe ho fihla.

<sup>65</sup> Eareha a fihla mono, ba tla mo khahlanyetsaana ba apere se sa litšiu tsa mehleng, ba apere mesana ea bona, ea likanta, ba leketlisa rabolloro ea .44 holima noka ka 'ngoe, ba pepa likatiba tseo hloohong tsa bona, le a tseba. 'Me ebe bommabophirima ba tloaelo, 'me ngoanana e mong le e mong a tla itholla... E mong oa bona a tla itholla tjaka ena.

<sup>66</sup> 'Me mono ba e na le e—e motsoalanyana a shoetsoe ke 'mae a shoetsoe le ke ntatae. E ne e le motsoala, e batla e le lekhoba la bohole ba lulang mono. 'Me mosebetsi eohle e litshila, a tlameha ho e phetha, a hlatsoe lijana le ntho eohle. 'Me a se na liphahlo, a tlameha ho apoleloa le . . .

<sup>67</sup> Mohla moshanyana a tla fihla, bohole ba palama likoloeana tsa bona mme, ba tloha, ba ea mo khahlanyetsa boemelong. 'Me ba ntse ba thunya lithunya, le lipere li honotha, le ntho tsohle. 'Me ba mo ntsetsa polasing. 'Me bosiusg boo ba makha moketehali. 'Me ba hloella holima qubu ea furu ba leketla terateng ea lesaka, 'me ba—ba bina ba hobela, bosiu ba ba ba e sa. A tla hlola matsatsi a mabeli kapa a mararo.

<sup>68</sup> Motsoalanyana enoa . . . Joale, ke tlil'o tšoantsa sena le ho hong joale. Bo-motsoala ba rona ba apereng makhethe, litora tse kholo le likereke tse khabileng, 'me ekare haeba lebitso le litsila le le teng le tlameha ho pharao mapentekosta, taba efe e phoso. Le bona ba etsa liphoso, feela ha li hlahatsoe, le a bona. E batla e le mofuta oa maemo, ka hona ba . . . ha u utloele letho. Empa e re moruti oa Pentekosta a sitoe hang, 'me, moena, ke a u bolella, ba e phara koranta tsohle naha ka bophara. E, monghali. E re moena oa pentekosta a rapelle ngoana, a ntoo shoa, koranta tsohle li e kakatlela naha bophara, "Pholiso e Halalelang ke Bolumeli bo Feteletseng."

<sup>69</sup> Be, horeng ha ngaka e lahleheloa ke likalafo e sa pharoe lipampiring tsohle? "Ho se ke ka seoam pa ka lehare, ha uoa ka leeme." Le a bona? Kahoo, holane ba etsa joalo, ha ho liratsoana tse lekaneng lipampiring ho ngola bafu bohole. Ha nka ea mabitleng mona ka re, "Mang le mang ea shoetseng tlasa pholiso e Halalelang a eme," le ho re, "Mang le mang ea shoetseng tlasa kalafo ea bongaka a eme," ba ka ba feta ka palohare ea milione khahlano le 'ngoe. Me ke hantle. Efela ha ba phara e mong, ba mpe ba phare le e mong. Ka hona ke hantle. Athe ba bolaea limilione selemong ka kalafo ea meriana le ka likaro, feela ha e hlahatsoe. Le a bona?

<sup>70</sup> Kahoo, ngoananyana enoa, mesebetsi eohle e thata e le ea hae. Joale mohlang oo, hang, moshanyana . . . bosiusg bo bong hoba ho lalloe 'me ho chauoe lichao, 'me e mong le e mong oa banana bana ba le boleeana, le a tseba. 'Me ngoanana enoa oa mofutsana a loketse ho apara mosana, o kutlehileng, oa khale. 'Me bosiusg bo bong eare a sa lutse phaposing ea ho jela kamora lijo tsa mantsiboea, a se a hlatsoitse lijana eaba o tsoa ka jarete e kamorao ho qhala metsi a lijana. Eena . . . ha a potela ka lerako, eaba o eme mono, a itsetlehile ka terata ea lesaka. A re, "Lumela."

<sup>71</sup> A le lihlong hona, hoba e ne e le moshanyana oa suprintende, mora oa mong'a polasi eo. A leketlisa sejana, ho mo thibela ho

'mona matamuke a makana; a qala a checha ka santhao, a sa roala maotong, a hetlile, *tjena*.

<sup>72</sup> 'Me a mo atamela, a re, "Se ntšabe." Ho re, "Ke na le seo ke u bolellang sona." A re, "Ke tlide koano ka sepheo se le seng, ho tla fumana mosali." 'Me a re, "Ke qamakile hohle." Ho re, "Ha ke a batla ho nyala banana bafe motšeо koana motseng, ke batla ho fumana seo ke se hopolang e le mosali oa sebele." Le ho re, "Hara sohle seo ke se boneng, esale ke u behile leihlo tikolohong ena. 'Me ka utloela ka basebeletsi ba bang hore u motsoala."

Ho re, "Ke hantle, monghali."

<sup>73</sup> Ho re, "Ke na le seo ke batlang ho u kopa sona. Na u ka lumela ha re nyalana?" Khele, keha a sa tsebe ho etsa'ng. A hloletsoe, a sa—a sitoa ho araba monna eo.

<sup>74</sup> Oh, ke ipotsa kamoo a ikutliloeng. Lona le reng? Atha 'na, nkile ka ba moetsalibe, ke se na thuso, ngoana oa lenoajoala, Jesu Kreste o itse, "Ke batla u be oa Ka." Ebe O tlide joang ho motho ea kang 'na? Ebe O khonne joang ho re, "Ke tla u lokisetsa lehae Leholidong"? Ebe A khona joang ho re, "Ke tla u pholosa"? 'Na ea soto, ho tlide joang le ka mohla? Empa O e entse!

<sup>75</sup> A re, "Monghali, ke—ha ke na—ke—ha ke na tokelo. Ke a sitoa ho ba mosali oa monna ea joaloka uena," ho re, "hobane u tloaetse lintho tse kholo. Atha 'na ha ke tsebe letho ka tsona, ke mofumanehi."

A re, "Empa ke uena khetho ea ka."

<sup>76</sup> Ana e ne e se botle mohla Jesu a itsalong ho uena...? U itsebile u sa tšoaneloa ke ho ba Mokreste. Uena, u ke ke oa etsa letho, empa Eena... Ha se letho... O—O mpa a u khethile feela. Le a bona? Eena... Ke molemo oa Hae, mohau oa Hae haele moo A u khethile. Ha se uena u Mo khethileng, le a tseba, ke Eena ea u khethileng. Ke hantle.

A re, "Ke—ha ke..." A re...

<sup>77</sup> "Se shebe liaparo tsa hau. Ha ke shebe liaparo tsa hau, ke sheba seo u leng sona." A re, "Ke kopa ho u nyala?" 'Me qetellong tumellano ea fihleloa. 'Me a re, "Ke tla khutla, selemo ho qala kajeno. U itokise. Apara kobo ea bohali, hoba ke tla khutla ke u nyale litšeng tsona tsena. 'Me ke tla u isa Chicago, Outer Drive, teng u tla aha qhobosheaneng ea hau. 'Me ho hlatsoa lijana hona hohle ho tla fela, le lintho, mohlang oo."

<sup>78</sup> Eitseha likhaiseli, kapa bomotsaala, ba utloela, ba re, "Sethoto tooe, sa mothoana, ea se nang tsebo! Khele, oa tseba monna eo o ne a sa tiea!"

<sup>79</sup> 'Me na ha ba rialo hantle feela kajeno? "Ebe mphi ea bahalaleli-bathethehi, mphi ea batho ba batlang ba sa khone ho ngola lebitso la bona, e ka ba Kereke joang le ka mohla? Sehlopha se joalo ekaba sona joang?" Empa ho itoketse feela. Mohla re ne re lebeletsoa 'me re utloa kako eo ea tebeletso ea Jesu Kreste

holima lipelo tsa rona ho tlosa sebe sa rona, Ntho e re bolella hoba O tla khutla hape, ruri joalokaha lefatše le le teng. O tla khutla tsatsi le leng.

<sup>80</sup> O sebelitse selemo ho pota, a iphetotse lekhoba, ho boloka lisente tse mashosupa-hlano, tsa—tsa moputso oa hae oa letsatsi. 'Me a boloka chelete ea hae ho ithekela mose oa lenyalo, ho hlrophisa tsohle. Oh, e le phetho seo a se nahanneng, ho itlhophisia. ('Me tona o ne a . . . "O Itokisitse.") A fumana liaparo tsa hae, liaparo tsa hae tsa lenyalo, bo-motsoalae ba sa phetse ho mo tšehe ba mo soma.

<sup>81</sup> Qetellong la fihla ho . . . qetellong ha fihla letsatsi. A apara mose oa hae oa bohali (Oh!), ho itokisa le ho itlhoekisa. 'Me bomotsoalae ba fihla ba inama pel'a hae ba re, "Be, sethotonyana tooe u setlokotsebe hle. Khele, u a tseba hoba o ne a sa tiiea. A ke ke a bua le e . . . ho nyala ngoanana ea kang uena." Empa, a itokisa, leha ho le joalo.

<sup>82</sup> Ho ella mantsiboea, ba qala ba mo soma ba mo tloka. A ema hantle monyako, a shebeletse, leha ho le joalo. 'Me ka hona a . . . tona eo e itse, "O itse o tla fihla mona nako mang?"

<sup>83</sup> Ho re, "Ha a bolela." Empa ho re, "O itse . . . o mpoleletse bosiu boo hore o tla nyala . . . kapa o mphile lesale la boitlamo. O boletse, o mpoleletse, 'E tla ba selemo ho tloha joale.' Ka baka leo ke sa saletsoe ke hora." Amen, a lula a letile. "Ke saletsoe ke hora, ho setse metsotso e mashome a mararo, ho setse metsotso e leshome." 'Me ba mo tsheha ba mo soma, 'me ba mo bitsa ka mabitso.

<sup>84</sup> Empa, qetellong, hantle horeng e bohlokoahali, ba utloa lehlabathe le hohlna tlasa mabili, lipere li e tla. Ebile setsoto ho bona monyaluoanyana eo ea itokisitseng, a tlola a tsoa monyako, a kekoloha mekoallo eo e haretsoeng ke lirosa kantle moo, ho ikakhela liphakeng tsa monna a mo ratang, le ho ba monna oa hae, a mo phahamisa joalo, a mo chata a palama eaba ba tloha.

<sup>85</sup> Le leng la matsatsi ana, moena, bao ba iqabolang le ba reng "mohalaleli-mothethehi," le—le "pentekosta," le lintho tse kang tseo . . . Re ntse re letile, re sa saletsoe ke nakoana. Ba re, "Ah, esale ho lutse joalo le mehleng." Le se ke la tšoenyeha, re sa saletsoe ke nakoana. 'Me ka motsots A o balileng, O tla fihla mona. 'Me le leng la matsatsi ana re tla fofo re falle. Itokise feela! Lula u apere Kobo ea Bohali! Hleka bokhopo bohle pelong ea hau. Tsohle tse . . .

<sup>86</sup> Mamelang kamoo Lengolo lena le balehang kateng mona:

*A re thabeng 'me re nyakalle, 'me re mo tlotlise: hobane lenyalo la Konyana le fihlile, 'me mosali oa eona o se a itokisitse. (Le a e tšoara?)*

*'Me o neiloe ho ikapesa ka lene e ntle, e khanyang e tšoeu: hobane lene e ntle eo ke ho loka ha bahalaleli.  
(Ho bokoe Molimo!)*

*A rialo ho 'na, Ngola, Ho lehlohonolo ba bilelitsoeng  
ho mokete oa lenyalo la Konyana. La ntoo rialo ho 'na,  
Tseo ke lipolelo tsa sebele tsa Molimo.*

<sup>87</sup> Ehlide kopano e tla hlaha sebakeng le leng la matsatsi ana, koana monateng, tao-tao. Uh-huh. Lula u itokisitse feela! Itokise feela! Hloekisa pelo ea hau mohopolong ohle o khopo. Eba le tumelo ho Molimo, ho sa tsotelehe lefifi le le kae 'me ba tšeħha ba soma ba le ba kae le ho re, "U entse phoso." Se phetse ho phela khalalelo le ho phelela Molimo. Se phetse ho tsoelapele, hora e tla fihla!

<sup>88</sup> Ka hona, le a bona, O hlaha hape ho Tšenolo 19:

*Kamora lintho tsena... (Kamora hoba a bone mongoaha oa Kereke.)*

*Kamora lintho tsena ka talima, 'me, ka bona, monyako...*

<sup>89</sup> Joale, hopolang, Johanne o ntse a le Patmose. 'Me hoba a bone mongoaha eohle ea kereke e feta:

*... ka talima, 'me, ka bona, monyako o butsoe leholimong:...*

<sup>90</sup> "Monyako." Monyako ke eng? Tšenolo 3:8. Ho Tšenolo, khaolo ea 3 le temana ea 8, "Ke tseba mesebetsi ea hau. Bona, Ke beile pela hau Monyako o butsoeng oo ho seng ea ka o koalang, ho koala 'me ho se ea ka bulang." Ke Monyako! Monyako! Kreste ke Monyako. O itse, ho Santa Johanne 10, "Ke 'Na Monyako oa linku."

<sup>91</sup> 'Me mehleng ea khale, o fihlela molisa a hlahlela linku tsa hae. Hoba a li bale a li bone li feletse, o robala hantle monyako. Phiri ha e khone ho kena e sa mo tsosa, kapa linku tsa hae ha li khone ho tsoa li sa fete ho eena. Oh, linku li ikutloa li sireletsehile hakakang hobane molisa a robetse monyako.

<sup>92</sup> Nohe, kahara Testamente ea Khale, o ne a eme monyako oa areka. Oh, mamelang; ke tlil'o bua taba! O ile a ema monyako 'me a ruta pako le ho loka ho batho ba mo tšeħhang. 'Me hona monyako moo a emeng, ho se motho ea ka kenang arekeng haese ka monyako o le mong oo. Monyako oa areka o ne o le mong feela.

<sup>93</sup> 'Me Tsela e 'ngoe feela! Ho lokile, Moena...?... Tsela e 'ngoe feela e kenang 'Meleng oa Kreste. Monyako o mong feela o kenang Kerekeng ea Molimo o phelang, 'me Jesu ke Monyako oo! "Ke 'Na Monyako! Ke 'Na Tsela, tsela e isang Monyako. Ke 'Na Monyako oa linku."

<sup>94</sup> O boleletse mongoaha kereke ona, "Ke beile pel'a hau Monyako o butsoeng." O boleletse mongoaha kereke ea

Methodise, ba ile ba O fapoha, ho kena mokhatlong. "Empa Ke beile pel'a hau Monyako o butsoeng." Joale, hoba ba amohele khalaletso, O itse, "Ke tla beha Moea o le mong" (joang?) "re kolobeletsoa 'Meleng o le mong e leng Kreste." O ile a beha molaetsa pel'a kereke ea Methodise eaba ba O fapoha. Ba ntoo nyolohela khalaletlong 'me ba hana Moea o Halalelang. Le sa hopola? Hoo "Monyako o butsoeng."

<sup>95</sup> U kena joang ka ho Kreste? Ka Moea o le mong, Moea o Halalelang, e leng Moea oa Kreste. Re kene kahare, ha se ka ho tsukutla matsoho, ha se ka hofafatsa, empa ka kolobetso e le 'ngoe ea Moea o Halalelang bohole re kolobelitsoe 'Meleng o le mong oo le banka-kabelo ba 'Mele oo. Ka kolobetso e le 'ngoe ea Moea o Halalelang re kena Monyako oo.

<sup>96</sup> Monyako ona o beiloe Leholidong, Monyako oo, eitseha a lelatsta mahlo a bona Morena Jesu. Shebang sekoto se latelang feela sa eona. Monyako oo, Morena Jesu.

...ka talima, 'me, ka bona, monyako o butsoe  
leholidong: 'me lentsoe la pele...ka utloa e le...  
molumo oa terompeta...

<sup>97</sup> Joale tema e a fetoha. Johanne esale a shebile Patmose, 'me joale o a lelala. Hobaneng? O bona ntho e etsahala lefatšeng mona (mengoaha kereke ena), ho theosa le Mengoaha e Supileng ea Kereke kaofela, 'me hoba a bone mengoaha ea kereke, kamora tseo, hoba mengoaha ea kereke e khaotse, a utloa Lentsoe. 'Me a lelala Leholidong 'me a bona Monyako o butsoeng, 'me Lentsoe la pele e ka terompeta. Ho lokile, tema e fetoha ho tloha Patmose ho ea Leholidong.

<sup>98</sup> Lentsoe e ne e le lona Lentsoe le tsamaileng hara likandelare tse supileng tsa gauta; lona Lentsoe leo, Lentsoe ha le a ka la fetoha. Empa, Lentsoe, Le ne le le kae mohla a Le utloang khetlo la pele? Ba hopolang ba ba kae, mongoaheng oa kereke ea pele? Ka mora hae. "Ke ne ke le Moeeng ka letsatsi la Morena," Tsenolo 1—1:10. Kahoo a... "Moeeng." Ha le batla ho le ngola ho Tsenolo 1:10 le 13, "Ke ne ke le Moeeng ka letsatsi la Morena, 'me ka utloa ka mora ka Lentsoe le kang la terompeta, joaloka molumo oa metsi a mangata. Ha ke reteleha ho sheba, ka bona e Mong a eme hara likandelare tse supileng tsa gauta."

<sup>99</sup> Joale, hoba A 'montše sephiri sohle sa likandelare tseo tse supileng tsa gauta (a tšoere linaleli tse supileng, a roetse wiki e tšoeu, le joalo-joalo, le maoto a kang borase, le mahlo a kang mollo, lipapiso), eaba o utloa lona Lentsoe leo (Hlokomela.) le bua le tsoa Leholidong. 'Me a lelala a bona Monyako o butsoeng. Oh! Monyako o butsoeng o kenang Leholidong! U kena joang? Ka Kreste Jesu, Monyako o le mong oo, Tsela e 'ngoe, ha ho tsela e 'ngoe.

<sup>100</sup> “Monna ofe ea tlolelang ka tsela e sele, eena ke lesholu le senokoane.” ’Me setšoantšong sa ea tloletseng ’me a le Moketeng oa Bohali a sa apara kobo, o fihletsoe a le molato, a tlangoa a lahleloa lefifing le kantle. Tsela e ’ngoe feela, e kenang Moketeng oa Bohali. Ke kholoa ke rerile ka eona mona nakoana e fetileng. Enereha monyali . . . Enereha motho a tšoere . . . a nyala mehleng ea khale, o loketse ho aba limemo ka seqo, o tlameha ho aba likobo ka sebele. Eareha a kopana le monna enoa mono, a lutse tafoleng ea selallo . . . Ba hopolang papiso eo ba bakae? Ehlide, lona ba balang Bibele. Teng a fumana monna tafoleng ea selallo a sa apara kobo ea bohali.

<sup>101</sup> Ke eng? Monyali o eme monyako ’me bohole ba fihla ka memo. “Ha ho motho ea ka tlang ho Ntate haese ka ’Na. Bohle bao Ntate a ’Neileng bona, kapa memileng, ba tla tla ho ’Na.” Ke bana ba fihla, ba nehela memo ea bona, monyali, hore bohole ba tšoane. Ke eo ntho e le ’ngoe e ntle ka borapeli, ba mehla-ea-khale, ba Moea o Halalelang, bo etsa hore bohole ba tšoane. Ebang ba ruile kapa ba futsanehile, ba tlanngoe kapa ba lokolohile, ba batšo kapa ba basoew, ba batona kapa ba batšeħali, bohole ba bang ka ho Kreste Jesu. ’Me monyali o ema monyako ’me o amohela memo, o apesa monna enoa kobo, kahoo barui le mafutsana ba tšoana. Ho joalo le ’Musong oa Molimo, ha ho limelala le bo-e-seng-mang; bohole ke motho a le mong, bohole ba bang ka ho Kreste.

<sup>102</sup> Joale, u nahanang mohla Monyali a khutlang a fihlela monna a lutse morao mono a se na Kobo ea Bohali? Ho re, “Motsoalle, u kene joang ka mona?” ’Me a ema a hloka puo, ho supa hobane o kene ka tsela e sele e seng ka Monyako. O tioletse ka fensetere, o kene ka monyako o ka morao. Me O mo bitsitse motsoalle, ho bontša hore e ne e le setho sa kerek, “Motsoalle, u kene joang mona u sa apara kobo?” Joale, Jesu o buile sena, ka Sebele. Eaba o bitsa molebeli oa monyako, A re, “Mo tlame, leoto le letsoho.” ’Me a lahleloa lefifing le kantle moo e tla ba lillo, le liboko, le litsikitlano tsa meno. Ao ke Mantsoe a Kreste ka Sebele, (Hantle.) “O ile a lahleloa kantle.” Hobane, e pakile, kantle ho Kobo ea Bohali, o ttile ka tsela ese le ntle le Monyako. Holane a ttile ka Monyako, a ka be a fumane Kobo ea Bohali.

<sup>103</sup> Oh, mamelang sena! Joale efela ha Kobo ea Bohali e le kolobetso ea Moea o Halalelang, re ka emeloa ka mokhoa ofe o sele le ka mohla? Efela ha mongoaha kerek ea pele o ile oa lokela ho tla ka Monyako, Kreste Jesu, ho kolobetsoa ka Lebitso la Jesu Kreste, ho amohela kolobetso ea Moea o Halalelang, ho apara Kobo ea Bohali, re ka tla ka tsela efe ese? Ha u tla ka Methodise, ka Baptise, kapa ka Mapentekosta, kapa bolumeli bofe, u tla tlangoa u lahleloe lefifing le kantle. U tlameha ho tla ka Kreste Jesu, Tsela, Monyako, ’Nete, Bophelo. Amen!

<sup>104</sup> Ho lokile, lona Lentsoe leo, Tšenolo 21, kapa, Tšenolo 1:10 le 13. ’Me ke batla u hlokomele, Lentsoe leo a le utloileng le bua le eena le ne le hlakile joaloka terompeta. Le tseba kamoo

terompeta e llang, e hlahisa molumo o nyarosang mali. Ebe terompeta e bolelang ka Bibeleng? Ntoa. Nako efe efe ha u bona ho letsoa terompeta, ntoeng...mehleng ea Bibele, molumo oa eona o ne o lekanya ntoa, e ka bang tšenolo kapa ntho e tlang ho etsahala.

<sup>105</sup> Joale, eena...Kamora mengoaha ea kereke, 'me tsohle li se li lokile, ho hlophisetsa malulo a khaolo ea 4 mona, mengoaha ea kereke e ne e fetile. A se a faletse lefatšeng, le a bona. Hopolang, Lentsoe le buileng le eena, ka mora hae, kahara likandelare tse supileng tsa gauta, mosebetsi o ne o felile. 'Me joale lona Lentsoe lona leo le ne le bua holimo Leholidong. E ne e le eng? O se a lopolotse batho ba Hae. Mosebetsi oa Hae oa lefatšeng o ne o phethiloe, 'me O ne a le Khanyeng, a bitsa Johanne, "Nyolohela koano!" Uh-hum. Amen! Ekare nka hlaba litlatse letsatsing le leleklang Selemo se Secha. Oh, banna! Ke moo. Le a bona, ho itokisa, "Nyolohela koano!"

<sup>106</sup> Ntoa! Ana ke malulo a ntoa e kholo; batho ba hanneng Molaetsa oa Molimo, ba haneng Moea o Halalelang, Moromuoa oa likereke tse supileng. Ea hanneng Molaetsa ona oa mohau oa Hae o ne a sa salloa ke letho, empa kahlolo e ne e lopaletse; oh, mohla A neng a itokisetsa ho tšollela likotlo holima lefatše joale. "Nyolohela koano 'me Ke tla u bontša se mothating oa ho etsahala. Mohana-Kreste, baetsalibe ba se nang Molimo, Ke ea tšollela khalefo ea ka holima bona."

<sup>107</sup> Beang malulo leihlo. Oh, re sa haola masiu le tla e fumana ho feta le ka linako tsohle. Re sitoa ho kenya tsohle mona, re tlameha ho lebisa ho tsoa tulong ho ea tulong. Kamoo ho tlang ho tšabeha ho bao mohla terompeta ea ho qetela e llang, 'me mohla ntoa ea ho qetela e loanang, mohla therou ea ho qetela e seng e reriloe, mohla pina ea ho qetela e binnoeng, 'me re ema Setulong sa Kahlolo sa Kreste. U tla botsoa, "Hobaneng u sa ka oa O amohela? O entseng ka Bophelo boo Ke o neileng bona?" U tla botsoa ho nehela lebaka. Joale ho tla thoeng?

<sup>108</sup> Le nkutloile ke bina sefela seo, kapa ho se leka:

Ho tla thoeng? Ho tla thoeng?  
 Ho tla thoeng ha Buka e kholo phetloa, ho tla  
 thoeng?  
 Ho bao ba hanang Molaetsa  
 Ha ba botsoa ho nehela lebaka, ho tla thoeng?

<sup>109</sup> Ho tla engoa mono, ruri joalokaha Buka ena e ngoliloe. U tla... u tla ema mono u botsoe lebaka. Oh, ho a putsa, moena oeso, khaitseli, re loketse joalo, joaloka bara le barali ba Molimo, ho itekola hora ka 'ngoe ea letsatsi. Pauluse o itse, "Ke shoa letsatsi le letsatsi. Leha ha ke phela, ha se 'na, empa ke Kreste ea phelang ka ho 'na." Le a bona? Ako itekole, hoba ha u tsebe hora eo u tla katoa samane ho arabela Holimo.

<sup>110</sup> Joale, “Utloile Lentsoe la terompeta.” Ho lokile. Ela hloko, ela hloko seo Johanne a se buileng, o’buile mona, sekotong sa ho getela sa khaolo ea 1:

... *lentsoe la pele... le ne le... joaloka terompeta e buileng le ’na; la re, Nyolohela koano,...*

Nyolohela koano! Ke u bontšitse mengoaha ea kereke lefatšeng; joale nyolohela *koano*, Ke tla u bontša se etsahalang holimo mona.

<sup>111</sup> Le a bona, Kreste o ne a faletse lefatšeng ka nako eo, A nyolohetse Khanyeng, Mongoaha oa Kereke o ne o fetile, ho supa hobane Moea oa Hae o ne o qetile mona. ’Me O ne a kene Khanyeng ’me a bitsa Johanne ho nyoloha, ’me A ’montsha ho hong hape ho neng ho tla etsahala. “Nyolohela koano.”

<sup>112</sup> Joale, re hlokomela Johanne, khaolo ea 2... temana ea 2. Hlokomelang, kapele, Johanne o ekelitse sena:

*Eaba hang... (Amen!)*

<sup>113</sup> Oh, haeba eka ke a qabola, ke ikutloa monate feela. John o ile a eketsa:

*...hang ke nkoa ke moea:...*

<sup>114</sup> Ha u utloa Lentsoe la Molimo le bua le uena, ntho e a etsahala. Amen! Oh, ana e u hlahetse joalo le uena? E etsahetse ho ’na, lilemo tse mashome a mararo le motso o mong tse fetileng, ’me ha ke eso ka ke tšoana haesale. Oh, eitseha A re, “Tloong ho ’Na, lona bohole ba khathetseng ba imetsoeng, Ke tla le fumanela phomolo.” E mphetotse.

<sup>115</sup> Johanne o itse:

... *hang ka nkoa ke moea:... (Ke moea ofe? Moea o Halalelang. Oh!)... Ka nkoa ke moea: ’me, bonang, terone e ne e beiloe leholimong, ’me e mong a lutse teroneng eo.*

<sup>116</sup> Le a bona, Johanne o faletse lefatšeng joale. Kreste o ne a tlohile lefatšeng (ka sebopoho sa Moea o Halalelang) ’me o boetse ’Meleng hape. Kajeno ’Mele o lutse mono e le sehopotso, e le sehlabelo. Re tla e finyella tlase hara khaolo mona. Empa Moea oa Kreste o a khutla ho phela ka hara Kereke, ho phela ka ho rona.

<sup>117</sup> Joale, hang hoba A bontše pheletso ea mongoaha ea mosebetsi oa Hae mona, A nyolohela Leholidong, A re, “Ke tla u bontša tse tl Lang ho hlaha kamora mona, kamora mengoaha ea kereke.” A re, “Johanne, ha Ke sa tla bua le uena tlase mane hape, hobane Ke tlohile tlase mona, Ke nyolohetse holimo. Nyolohela mona le ’Na!” Amen! “Me Ke tla u bontša tse tl Lang ho hlaha kamora tseo.” Oh, banna! Hmm! Oh! Ho haptjoa ponong, ho nkeloia Khanyeng.

<sup>118</sup> Boiphihlelo ba hae ba batla bo tšoana le ba Pauluse. Bakorinthe ba Bobeli 12:2 le 4, haeba u le ngola. Bakorinthe ba Bobeli...2 ho isa ho 4. Pauluse o kile a haptjoa ka letsatsi le leng, ka...a kena ponong, le eena. Na le tseba seo? 'Me a bona lintho tseo a sa kang a lumelloa ho li hlahisa; lilemo tse leshome le metso e mene, le ka mohla ha a li bolela. Le a bona? Empa mamelang phapang lipakeng tsa bona.

<sup>119</sup> Seo Pauluse a se boneng, o ne a thibetsoe ho se bolela kapa ho se bua phatlalatsa. Oh, banna! Ha ke kholoe a be a ka khona. (Hobane, leetonyana la ka la letsatsi le leng, ha ke eso hlaphoheloe 'me ha ke sa tla hlola.) Le a bona, o—o bone lintho tseo a sitiloeng ho bua ka tsona. Ke kholoa a sa hlokile mantsoe ho...o kile a hapeloa maholimong a boraro, le hona. Le a bona, holimo Lehelimong la boraro.

<sup>120</sup> Ho fapane hakaakang le mohla Johanne a hapuoeng 'me a bone Jesu, o ne a....Ho re, "Seo u se boneng u se ngole bukeng 'me u se khutlise, u se romelle likereke." Pauluse ha a lumelloa ho bua, 'me esitile le Johanne a kopuoe ho se beha bukeng se tle se haole mengoaha eohle. Oh, banna! Se senotsoe joale, se tla senoloa matsatsing ana a qetelo. Ha se a senoloa matsatsing a hae, se senoloa joale ha re ntse re tsoela pele.

<sup>121</sup> Oh, 'me elelloa, Johanne, ea nkoang hang kamora mongoaha oa kereke, e ne e le papiso ea Kereke e hloibitsoeng. Hang feela hoba mongoaha oa kereke o fete, Mongoaha oa Kereke ea Laodisea, Hloibilo e a etsahala. Kereke e nyoloha joaloka Johanne, ho kena ka pel'a Sefahleho sa Molimo. Oho, banna! Shuu! Taba eo efafola moea oa ka feela. Ho nkeloa holimo, Hloibilong ea Kereke! 'Me E boletse...Tulo ena, Buka ea Tšenolo, e ngotsoe, le a bona, qetellong ea mongoaha oa kereke.

<sup>122</sup> Joale, mona ke batla ho hlakisa lethoana ntho e sa le e leketlile halelele hara Bakreste ba bangata. Eaba kajeno ke a nahana, ke sa inehetse ho bala, ke ngola Mangolo, ke fumana mabitso le mebala e fapaneng le lintho. Re tla kena ho tsona kamora nakoana, meokoli le lipapiso, le joalo-joalo. Eaba ke ngola Mangolo ana mona ke tle ke a shebe le ho lebisa ho ona, haeba ke...tsamaong joalo. Hobane, ka tloaelo, haeba ke tla bua ka ntho e kang ena, ke ee ke...ho tla be ho fapane, nka leka ho e tseba ka hlooho. Empa ka mokhoa ona, ha nako ea hau e le nyenyane feela, ke rata ho lebisa ho eona hoba e haola hohle tsela eohle Mangolong, morao le pele.

<sup>123</sup> Joale, ho Mattheu 16:13, re fumana sena, haeba le ntse le ngola Mangolo. Mattheu...Haeba u batla ho khutla...ha u batla ho phetla teng, ho lokile, Mattheu 16:13. Ke...Oh, re tla phetla morao re le bale feela, re tla be re tšoere kannete. Mattheu khaolo ea 16, le temana ea 13. Mamela ka hloko joale ha re bala 16:13, "Petrose eitseha a..." Kapa:

*Jesu eitseha a fihla nqa naheng ea Sesarea oa Filippi,  
a botsa barutuo ba hae, a re, Batho ba re ke Mang . . .  
Ke le Mora motho?*

*Ba re, Ba bang ba re . . . u Johanne Mokolobetsi: ba  
bang, Eliase; ba bang ba re, Jeremias, le, kapa e mong oa  
baprofeta.*

*A rialo ho bona, Lona lona le re Ke mang?*

*Eaba Simone Petrose o araba a re, U Kreste, Mora  
Molimo o phelang.*

*Jesu a araba a re ho eëna, U lehlohonolo, Simone mora  
Jona: . . . nama le mali a u koaholletseng ho uena, empa  
e le Ntate ea maholimong.*

*'Me Ke re . . . ho uena, U Petrose, 'me kaholima lejoe  
leo Ke tla aha kereke ea ka; 'me likhoro tsa lihele li ke  
ke tsa e hlola.*

*'Me joale . . . Ke tla u nea linotlolo tsa 'muso oa  
maholimo: hohle hoo u tlang ho tlama lefatšeng ho tla  
tlangoa leholimong: . . . e hohle hoo u tla ho lokolla  
lefatšeng ho tla lokolloa leholimong.*

*Joale a laea barutuo ba hae a re ba se ke ba bolella  
motha hore ke eena Jesu e leng Kreste.*

<sup>124</sup> Mamela ka hloko joale. Ho lokile. “Hoba nako e qala . . . Ho tloha mohlang oo A qala . . .” Ke batla ho fumana le leng, le ka bala la theoha, fumanang temana ea 28 mona, hoba le ka bala a mang kaofela ha le fihla lapeng.

*Kannete—Kannete ke re ho lona, Ba bang ba teng ho  
ba emeng mona, ba ke keng ba utloa ho shoa, ho fihlela  
ba eso ho bone Mora motho a etla 'musong oa hae.*

<sup>125</sup> Oh, e nahaneng! “Ba bang ba emeng mona, ba bang ba emeng mona, ba ke ke ba latsoa lefu ba eso bone Mora motho a tla ka ‘Muso oa Hae.’ Polelo e kakang! Monyefoli o rata hakakang ho qotsa hoo athe o supa bothoto ba hae, le a bona. O rata hakakang ho e nka, koana e etsahetse athe ha ba tseba letho ka eona. Le a bona? Ho lokile.

<sup>126</sup> Kamora maipolelo a Petrose a lejoe, etsoe re tseba hoba maipolelo a hae ke . . . O tla aha Kereke ea Hae holima lejoe lona lena. Ha se Petrose, e leng lejoana, joalokaha Roma e Katolike e leka ho bolela. Empa maipolelo a Petrose a Tšenolo, ke eona Kereke eo. Molimo o tla E senola; e seng maipolelo a monna enoa, hoba hamorao o bile a khutlela morao. Ha se maipolelo maloka le Eena ka ho ba Mora oa Molimo; hobane ba Mo tsebile e le Mora oa Molimo, Petrose o e buile feela. Empa taba, eona, e ne e le Tšenolo e senotsoeng ho tsoa Leholidmong ho re E ne e le Mora oa Molimo. Ho re, “Ha se nama le mali tse u rutileng eona, empa Ntate oa Ka ea Leholidmong o u senoletse eona. ‘Me holima lejoe

lena, lejoe leo la maipolelo, Ke tla haha Kereke ea Ka, 'me likhoro tsa lihele ha li ka ke tsa ama . . . ho E hlola."

<sup>127</sup> Re a t̄sepa re ke ke ra tloloa ke nako kapele mona joale, re tle re khone ho e finyella. 'Me re batla ho bona kamoo e phallelang ka ho motho. Ke pale e ntle hantle mona ha re ka e finyella feela. Ho lokile. E, lejoe la maipolelo, seo Petrose a neng a . . . O ne a tla haha Kereke ea Hae holima maipolelo a Petrose. A re, "Ba bang ba teng ba emeng mona ba ke ke ba utloa lefu ba eso bone e—e Mora oa Molimo a tla 'Musong oa Hae."

<sup>128</sup> Joale, hopolang, O buile ka ba "bang." Ba ne ba feta bonngoe, ho joalo? Ba *bang* e ka ba bongata, "ho feta a le mong." Empa joale bonang, mono keha ho eme barutuoa bohle ba Hae, 'me O botsitse e mong le e mong oa bona, "Le nahanang ka *see*? Ebe le nahanang ka *seo*?" Empa O itse, "Ba bang ba teng ba lona ba emeng mona, ba bang ba emeng mona, ba ke ke ba latsoa lefu ba eso bone Mora motho a tla ka 'Muso oa Hae." Oh, banna! Polelo e kakang! Nahanang, e builoe lilemo tse likete tse peli tse fetileng.

<sup>129</sup> Na e tla . . . e be . . . Na Lentsoe la Molimo ha le fose? Lentsoe ka leng leo A le bolelang le tla phethahala?

<sup>130</sup> Joale, haeba re batla, phetlang khaolo ea 17 ea Mattheu ke e latelang. Mohla a nkileng . . . Matsatsi a 'maloa kamora moo, A nka Petrose, Jakobo, le Johanne, a nyolohela le bona thabeng, ka thoko, ho paka. Petrose, Jakobo le Johanne; 'me ba bone 'Muso oa Molimo o fihla ka matla, ba bone tlhakisetso ea ho fihla ha 'Muso oa Molimo. Amen! Oh, ba bone tlhakisetso ea pono ea 'Muso oa Molimo o phetoa kamoo O tlang ho kenngoa ha Sekete sa Lilemo. Ba bone tlhakisetso.

<sup>131</sup> Nakoana e fetileng . . . sehlopha sa bareri, se akhang Oral Roberts. Cecil B. DeMille, mohla a neng a ngola *Melao e Leshome*, o ile a letsetsa Moena Shakarian, Moena Roberts, bareri ba bangata naha bophara, moreri ofe ea ikutloang a ka tla, 'me a ba memela setudiong le pele setšoantšo se lokolloa, le ho bontša tlhakisetso ea sona pele se hlahisoa, ba ne ba lefisitse didolara tse mashopeli-hlano tekete. Empa eena . . . Ba bone tlhakisetso ea eona, ho nehela maikutlo a bona ho se nyatsa kapa lethoana le ka boleloang, joalo-joalo. Ba se bone pele se bonoa ke bohole.

<sup>132</sup> Jesu o itse, "Ba bang ba lona ba emeng mona" (Amen!) "ba ke ke ba latsoa lefu ba eso bone 'Muso oa Molimo o khutla ka matla," kapa, "bona Mora motho a tla ka 'Muso oa Hae," nka rialo. "Bona Mora motho a tla ka 'Muso oa Hae!" Matsatsi a 'maloa kamora moo, A nka Petrose, Jakobo, le Johanne, a nyolohela thabeng e telele, 'me teng ponahalo ea Hae ea fetoha pel'a bona. Letsatsi, le chabileng, le ke ke la t̄šoana le liaparo tsa Hae tseo A neng a li apere. Ke makhetlo a makae re e otla ka lipapiso, re e bala re haola Bibeleng!

<sup>133</sup> U ka nka monngolo o le mong oa Lengolo oa u tlamahanya le Bibele eohle. E, monghali. Ha ho moo le lutlang kae kapa kae! Tsohle li otliloe ka matla a Molimo. Liabolosi a ka sitoa ho itšunya leha a tlamehile. Ke hantle. A ke ke a itšunya hara bahalaleli bao ba behileng bopaki ba bona kantle mono 'me ba lumetse 'Muso oa Molimo, ba nkile Lengolo ka leng ba Le tlotsitse ka matla a Moea o Halalelang, ho Le hlatsoa ka Mali; lefatše le ka sitoa ho kena ho lona, diabolosi ha a khone ho kena ho lona. Ba shoele, bophelo ba bona bo patiloe ka ho Kreste ka Tiiso ea Molimo, ka Moea o Halalelang. Diabolosi a ka ba tšoenya joang? Hmm! Ke bao, ba maemong ana joale.

<sup>134</sup> Koana nqalong ena, ke hona, o bone ho Khutla, kapa tlhakisetso. 'Me ntho ea pele e bile efe, a e boneng... seo a se boneng? Ntho ea pele eo a e boneng ho Khutleng e le Moshe, ea emetseng bahalaleli ba shoeleng ba tla tsosoa. Elia o ne a eme moo.

<sup>135</sup> Oh, ke batla le hlokomele se tlang ho etsahala. Moshe e ne e le eo, pele; ke mengoaha eohle e tšeletseng eo ba robetseng ho eona, mengoaha e tšeletseng ea kereke. Ha se hoo feela, empa Elia e ne e le eo; moromuo oa letsatsi la ho qetela, 'moho le sehlopha sa hae, sa ba fetotsoeng ponahalo, ba Hloibitsoeng. Amen! Joale tsamaong ea nako; ho emetsoe ho Khutla.

<sup>136</sup> 'Me bao bohle ba etsang...? Bohle ba phuthehile le Eena. Oh, banna! E ne e le eng? Tsepiso ea Hae ho Petrose, Jakobo le Johanne, e ile ea phethisoa. Ke hantle. Hobane O itse, "Ba bang ba emeng mona ba ke ke ba latsoa lefu ba eso bone Mora motho a tla ka 'Muso oa Hae,' 'me ba bone tlhakisetso ea eona. Ebile kamora tsena kamora tsoho..."

<sup>137</sup> Ke rata ho le hlahisetsa ho hong; hoba Jesu a shoe, a patoe, ho Santa Johanne 21:20. Basomi ba bang ba qalile taba ena litšiung tse qalang. Hantle re sa tšoarane le thuto, ha re e hlekeng. Ho Santa Johanne 20:21, Jesu o ne a kopane le barutuo ba Hae, a ba fepa lihlapi le bohobe mollong. 'Me eitseha ha ba nyoloha ka lebopo, Johanne a itšetleha sefubeng sa Hae; 'me Petrose a botsa potso, ho re, "Ho tla etsahalang ka monna enoa?" Jesu o ne a rata Johanne, Johanne e ne e le monna oa lerato. 'Me a re, "Ho tla etsahalang ka monna enoa? Qetello ea hae e tla ba efe? Bokamoso ba hae e tla ba bofe?"

<sup>138</sup> 'Me Jesu a re ho bona, "E ka ba eng ho lona ha a ka lule Ke be ke fihle, Ke be ke khutle? E ka ba eng?"

<sup>139</sup> 'Me barutuo ba entse phoso, ba tlalehile "Jesu a boletse ho re—ho re—ho re 'o tla phela hofihlela ho Tleng."

<sup>140</sup> Empa Jesu ha a etsa phoso ea letho. Hantle mona ho Tšenolo, khaolo ea 4, Kreste o bolokile Lentsoe la Hae! O noyletse Johanne Leholidmong a mo takela ntho e felletseng. Khanya! O—o bone ponelopele. O e bone eka hoja a phetse lefatšeng le ho bona

mengoaha eohle ea kereke e etsahala, ho fihlela ho khutleng ha Morena, Buka eohle ea Tšenolo. Oh, banna!

<sup>141</sup> Le bona kamoo litsepiso tsa Hae li sa foseng? Joale, le khethiloe... Jakobo ho etsa seo; Johanne, mang kapa mang oa bona; ho se lumelle Pauluse ho e bona, ho e bolela, le letho.

A re, “E ka ba eng ho lona ha a ka lula Ke be ke fihle?”

<sup>142</sup> ’Me kahobane ba boletse joalo, O mpa a khetha Johanne le ho mo nyolla ho ’montša ntho eohle le pele a eshoa, eka hoja a phetse mehleng ea ntho eohle. Ho ’montša seo e tla ba sona! (Moena Pat, na seo ha se babatsehe?) Oh, le a bona, ho mo thonaka hantle. Hona mona, khaolo ea 4 le temana ea 2, e a kholisa. “A ’montša lintho tse neng li teng, tse leng teng, le tse tlang ho tla.” O ’montšitse mongoaha oa kereke, ho khutla ha Bajude, likotlo tse tšolloang, Hloibilo, ho Khutla hape, le Sekete sa Lilemo, le Lehae la Bosafeleng la Bapholosuo ba Hae; eka hoja a phetse hara ntho eohle hantle ho theoha, ’me o e bone eohle e etsahala. Le a bona? Le a bona? O mpile a mo phahamisa le ho mo bontša e—e—e filimi eo A ntseng a e phethola, ho mo supisa tlhakisetso eohle. Oh, banna!

<sup>143</sup> O a haptjoa. Ho phethisa tsepiso ea Hae ho—ho Tšenolo 4:2. Pele ho lefu la hae o haptjoa ke Moea ’me o bone lintho eka hoja a phetse. O—o bone tsohle ka tlhakisetso. Ka hona o bone, ka pono, hantle se ka beng se etsahetse le se etsahetseng lefatšeng ho qala mohlang oo ho fihlela ho tla ha Morena Jesu. Ho ’montša eona ka pono.

<sup>144</sup> Ka hona barutuoa...kapa ha ho motho ea itseng O itse O tla khutla mongoaheng oo. Ô itse, “E ka ba eng ho lona haeba, (ka mantsoe a mang), ha a ka lula Ke be ke fihle?” Eaba O mo phahamisa a mo hlakisetso ntho eo le ho mo bontša se neng se tla etsahala. Oh, ke rata seo feela. Hmm. Oh, banna!

<sup>145</sup> Hlokamelang joale, ha re boneng na sena e ne e le eng:

*Eaba hang ke nkoa ke moea: ’me, bonang, terone ea beoa leholimong, ’me e mong a lula holima eona, holima terone.*

<sup>146</sup> Ha utloahala “Lentsoe” le mo bitsang. Oh, Lentsoe leo! Oh, ha ke khone ho itlhoboha seo, Lentsoe leo la Ea leng kamora hae. Eaba o qamaka hohle mono, ’me A mo bontša mengoaha eohle ea kereke, hobane o ne a eme *kahara* mengoaha ea kereke, likandelare tse supileng tsa gauda. Eaba o utloa Lentsoe leo hoba mengoaha ea likereke e khaotse; Lentsoe leo le ne le tlohile lefatšeng, ho nyoloha. Eitseha A fihla Khanyeng, a Mo utloa a re, “Nyolohela koano! Ke ea u bontša se tla etsahala kamora tsena.” Oh, banna!

<sup>147</sup> Lentsoe leo! Ha re bueng ka Lentsoe leo motsotso; mona ke ngotse Mangolo a seng makae. Ha re phetleng ho Bathessalonika ba Pele 4, le mamele mona feela seo Lentsoe lena le tla se bolela.

Oh, bohole re tseba seo Le tlang ho se bolela, ntle le... pele re le bala, ha re joalo na? Re tseba se tlang ho etsahala. "Terompeta ea Molimo e tla lla 'me ba shoetseng ho Kreste ba tla tsoha." Na ke hantle? Lona ba le ngolang, ho Bathessalonika ba Pele 4: 16 le 17, "Lentsoe," Lentsoe leo e ne e le Lentsoe la Kreste. Na ke hantle? Lentsoe la Kreste!

*Hobane...terompeta ea Molimo e tla lla, 'me ba shoetseng ho Kreste ba tla tsoha pele:*

*...rona ba phelang ba saletseng nakong eo re nkeloang marung hammoho le bona... ho khahlanyetsa Morena sebakeng: 'me ka mokhoa o joalo re tla ba le Morena kamehla.*

<sup>148</sup> Lona Lentsoe le bitsitseng Johanne, "Nyolohela holimo," lona Lentsoe le boleletseng Johanne, "Nyolohela holimo," ke lona Lentsoe le tla bitsa Kereke ka tsatsi le leng (Amen!), ho bitsa Kereke.

<sup>149</sup> Hape, lona Lentsoe le bitsitseng Johanne ho nyolohela holimo, ke lona Lentsoe le bitsitseng mofu Lasaro ho tsoa lebitleng, lona Lentsoe leo la arekangeloi. Kreste ke Lentsoe la arekangeloi, "Lentsoe la arekangeloi," le a bona. Oh, Lentsoe leo la terompeta la Kreste le bitsitse Johanne ho nyolohela holimo, lona Lentsoe le bitsitseng Lazaro. Na le hlokomela lebitleng la Lazaro, O buile ka Lentsoe le phahamileng. (Ha ho a thoe feela, "Lazaro, tsoa moo.") "Lazaro, tsoa moo!" Le mo bitsitse ho tsoa bafung.

<sup>150</sup> 'Me a araba: "Ke 'na Enoa." 'Me o tsohile bafung, hoba a shoe le 'mele oa hae o se o bolile.

<sup>151</sup> Lona Lentsoe leo le itse ho Johanne, "Nyolohela koano, Ke tla u bontša tse ling tsa lintho tse tlang ho etsahala."

<sup>152</sup> Lona Lentsoe le tla utloahala mohla ba shoetseng ho Kreste ba tsohang, "Hobane terompeta..." Terompeta! Terompeta ke eng? Lentsoe la Kreste, Lona le utloahetseng 'me la mo biletsha holimo. O utloile Lentsoe le kang terompeta le re, "Nyolohela koano!" Na le bona kamoo tsoho e tla hlaha kateng? E tla hlaha ka motsotsaana, ka ho panya ha leihlo. Lentsoe leo le hlakileng le utloahalang, 'me O tla bitsa Kereke, ho bitsa, "Tsoang ho eona." Lentsoe le leholo leo le bitsang. Molimo, nthuse ho Le utloa tsatsing leo.

<sup>153</sup> Joalokaha ke buile khafetsa... Ke a tseba, joaloka motho ea shoang, Rodney, ke tseba ka pel'a ka ho eme monyako o moholo o lefifi, o bitsoa lefu. Nako le nako ha pelo ea ka e otla, ke atametse monyako oo ka kotlo e le 'ngoe. Le leng la matsatsi ana ke ka tlameha ho kena ho ona. Empa ha ke batle ho kena joaloka lekoala, ke hoelehetsa le ka lerata. Ke batla ho kena ho sena, ke thatetsoe ka likobo tsa ho loka ha Hae, ho tseba sena: hore ke Mo tseba ka matla a tsoho ea Hae; e tle re tsatsi

le leng ha A bitsa, ke tla tsoa hara bafu; mohla A mpitsang ho hlah Holimo, mohla terompeta ea Molimo e llang 'me bafu ba ho Kreste ba tsoha, haeba ke phela, ke tla fetoloa ka motsotsoana, ka ho panya ha leihlo, le ho nyoloha le ba bang bohle, ho nyoloha ho khahlanyetsa Morena sebakeng. Lentsoe leo la terompeta, le hlakile, le phahame. Hmm. Oh, ho tla itšoanelia, ho tla ba joalo ho Tleng ha Hae.

<sup>154</sup> Ha ho molumo oa letho o leketlang ka Lona. Ho ne ho se letho le sa tsitsang ho Johanne mohla a utloang Lentsoe leo le re, "Nyolohela holimo!" 'me o tlide. Amen.

<sup>155</sup> Mohla Lazaro, lefung, lebitleng; 'me moea oa hae, leeto la matsatsi a mane nqa e 'ngoe, ha ke tsebe e ne e le kae, ha ke hopole mang oa rona a tseba. E ka bang o ne o le kae, ha e a etsa phapang ea letho. O mpile a kata feela monna a le mong samane mohla liboko tsa letlalo li ntseng li ejia 'mele oa hae; o nkha, lebitleng. Terompeta eo e llang e hlakile e itse, "Lazaro, tsoa moo!" Teng monna, ea shoeleng a bolile, a itlhohlora a tsoa lebitleng, a ntse a tsamaea. Ha ho letho le sa tsitsang ka seo, ana le teng, baena? Ha ho khoao moo!

<sup>156</sup> Ho a tšoana le bosiung bona, ha Lentsoe le hlakileng le re, "Moetsalibe, baka, Ke tla u fa Bophelo Bosafeleng." Bakang, e mong le e mong oa lōna, le kolobeletsoe ka Lebitso la Jesu Kreste tšoarelong ea libe tsa lōna, 'me le tla amohela neo ea Moea o Halalelang. Ke samane eo. Ha ho letho le sa tsitsang ka Eona.

<sup>157</sup> 'Na ke paki ea hoba Ke 'nete. Lipaki tse ling li teng, dimilione tsa tsona li teng lefatšeng ka bophara kajeno, ke lipaki tsa hore ke 'Nete. Ha Bibele e fihla, Mantsoe a Molimo, Lentsoe ka leng la Molimo ke terompeta. Molumo o mong le o mong oa Lentsoe ke terompeta, terompeta ea Evangel. 'Me ha E utloahala, ke 'Nnete. Mohla E ne e re, "Jesu Kreste, maobane, kajeno, le kamehla," ha ho letho le sa tsitsang ka Seo. Esale Eena! E, monghali.

<sup>158</sup> "Bakang, le kolobetsoe ka Lebitso la Jesu Kreste, le tla amohela neo ea Moea o Halalelang." Ha ho letho le sa tsitsang ka Seo.

<sup>159</sup> "Ea utloang Mantsoe a Ka 'me a lumela ho Ea Nthomileng o na le Bophelo Bosafeleng. Ea lumelang ho 'Na, leha a shoele o tla phela. Ea phelang 'me a lumela ho 'Na a ke ke a shoa le ka mohla o le mong. Na u lumela taba ee?" Ha ho letho le sa tsitsang ka Seo, "O tla phela!"

<sup>160</sup> "Ea jang nama ea ka le ho noa Mali a ka o na le Bophelo Bosafeleng, 'me Ke tla mo tsosa hape ka letsatsi la ho qetela." Ha ho letho le sa tsitsang ka Lona; ha ho letho; Ke molumo o tsitsitseng.

<sup>161</sup> Oh, ke a Le tseba, ke Le utloile le luma peloaneng ea ka ea Moirishi tsatsi le leng, 'na, moetsalibe oa khale. Ebe le ne le ka

tšebeletsa joang le ka mohla? Empa ka Le lumela e le molumo o tiileng, ka Le amohela. Ke paki ea hore Ke 'neta.

<sup>162</sup> Ka tsatsi le leng O tla boela a bitsa, re tla tsoelapele ho tsoa lefatšeng. Hoba ho letho le sa tsitsang ka terompeta *eo*. E, monghali. E, monghali, ha ho molumo o sa tsitsang, nako efe kapa efe.

<sup>163</sup> O utloahala kajeno ha A re bitsa, Le tshoana le ha A re bolella eng kapa eng.

<sup>164</sup> Joale, ha re khutleleng temaneng ena:

*Le e...bonang, terone ea beoa leholimong,...*

(Temana ea 2) . . . 'me e mong a lula holima eona.

<sup>165</sup> Hlokomelang, "Terone," O ne a lutse Teroneng. A sa hhole a khutletse tlase kahara dikandelare joale, lefatšeng. Hloibilo e se e tlie. O ne a le Khanyeng, a lutse Teroneng ea Hae. Ke batla le lemohe tlase koana, re tla e fumana esita le khaolong ea 5, e ne e se Terone ea mohau. E ne e sa hhole e le Terone ea mohau, e ne e le Terone ea kahlolo. E ne e se Terone ea lerekko, ke Terone ea kahlolo hobane mollo le lehalima le lialuma li tsoa ho eona; lekhale hape, mohau o felile, mongoaha oa Kereke o fetile. "Ea silafetseng o silafetse le hona; ea lokileng o lokile le hona; ea halalelang o a halalela," ha e sa le Terone ea mohau.

<sup>166</sup> Bosiung bona, Mali a robetse holima Terone eo 'me ke setulo sa mohau ho moetsalibe e mong le e mong ea batlang mohau. Empa ka letsatsi lela, e tla be e se setulo sa mohau mohlang oo, e tla be e le setulo sa kahlolo teng ho lutse Molimo o halefileng. "Athe... Ekare ha ea lokileng a bolokeha ka thata, moetsalibe le ea khopo ba tla ema kae?" Esita le mohla A tlang ka maru a khanya ea Hae, lithaba li tla leka ho fumana sebaka sa ho ipata. Ebe rona *re* tla ema kae, mohlang oo?

Oh, mophula o theko-thata oo  
O ntlhatsoang bosoeu ba lehloa;  
Ha ke tsebe seliba se seng,  
Ke Mali a Jesu feela.

<sup>167</sup> Oh, banna, ke thuto e kakang! Ha ho molumo o sa tsitsang! 'Me Terone ea Hae:

. . . 'mele A lula teroneng ea Hae. (Ha A sa le teng mona.)

<sup>168</sup> Joale, ke ntho e nngoe eo, ke kholiso ea hobane Kereke e nkeloa holimo pele ho Tlokotsi e Kholo. Le a bona? Hobaneng? Ke enoa O lutse Teroneng Khanyeng, 'me Kereke e fallatse, 'me ho nto kena Tlokotsi.

<sup>169</sup> Ke buile kamehla ka re matsatsing a Nohe, Nohe o ne a le ka arekeng pele lerotholi le le leng la pula le rotha. Lota o tsoile Sodoma pele mollo o theoha. 'Me Kereke e tla be e le Khanyeng le pele athomiki e liheloa. Ke hantle, pele athomo e liheloa.

<sup>170</sup> Ho re, “Ho ka thoeng ka eo ea pele?” E ne e le holima bahetene, e seng Bakreste.

<sup>171</sup> Joale, hlokomela. Oh! O qetile mosebetsi oa Hae lefatšeng ‘me O nkile Kereke ea Hae, ‘me joale O romela kahlolo. Lefatše le ile la Mo lahla, ‘me O rometse kahlolo ea Hae. Eena le Kereke ea Hae ba ile Khanyeng.

<sup>172</sup> Johanne, mono sehlekehlekeng sa Patmose, mosenoli ho kereke, esale e le papiso ea Kereke e nyolleoang Khanyeng, “Nyolohela koano!” Ho bontša . . .

U re, “O ne a lekanya Kereke?”

<sup>173</sup> Ho e mong le e mong ea utloang Lentsoe lena, Johanne o ne a mo emetse. Amen! Johanne e ne e le moemeli oa Mali a Jesu Kreste, bopaki ba Lentsoe. E ne e le paki ea kolobetso ea Moea o Halalelang, ka setsoalle le Kreste ka seqo, ‘me o ne a emetse Kereke eohle; ho re, monna ka mong kapa mosali, moshanyana kapa ngoanana ea kileng a lumela ho Kreste, o Mo amohela holima maemo ao, o tla bitsoa ka tsatsi le leng, “Nyolohela koano mona!” ho nkeloa holimo pele ho Tlokotsi. Hopolang, nako ea Tlokotsi ha e-so fihle le joale.

<sup>174</sup> Ena ke eona nako, ho lula ha kahlolo. Johanne joale o bontšoa se tla etsahala kamora mongoaha oa Kereke. Le a bona? Kahoo, ho bile joalo.

<sup>175</sup> Joale, hlokomelang hape temana ea 3, kapa ea 2, “Terone ea behoa Leholimong, ‘me e Mong a lutse Teroneng.” Joale, oona Moea o neng o le lefatšeng, o ne o tlohile o ile Khanyeng, ‘me o ne a lutse (eena Jesu ea nang le rona bosius bona) ka mohau, o ne a ile Khanyeng ‘me a lutse Teroneng.

*‘Me ea lutseng holima Terone o ne a tšoana le jaspe  
le . . . lejoe la sardone: ‘me terone e ne e likanyelitsoe  
hare ke mookoli, o kang eona emerauda ha ho talinngoa.*

<sup>176</sup> Ke tlo koala, hobane baena ba bang ba tlil’o rera.

Koana nka e thonaka hoseng, hantle mona. Me ka hona, “joalo ka emerauda.” Oh, banna! Oh!

Batho ba teng hohle-hohle feela,  
Bao lipelo tsa bona li tukang kahohle (na ha le  
rate seo?)  
. . . mollo o theohileng ka Pentekosta,  
O ba hlatsoitseng oa ba hloekisa;  
Oh, le tuka joale pelong ea ka,  
Ho bokoe Lebitso la Hae!  
Ha se le thabo hore ke e mong oa bona.

<sup>177</sup> Johanne, ho bitsoa le ho laetsoa ke Morena Jesu, ho tšepisoa ke Molimo morao koana ha thoe o tla bona ho tla ha Mora motho. Petrose, Jakobo, le Johanne, ba emeng mono, mohla Jesu a buileng le bona ho re, “Ba bang ba emeng mona ba ke ke ba latsoa lefu ba eso bone ho tla ha Mora motho a tla.” Ha

A re “bohole” ba emeng mono, empa “ba bang.” ’Me eaba ba tloha, matsatsi a ’maloa kamora moo, ’me ba bona tlhakisetso ea tatelano ea tsoho, le ho tla ha Morena.

<sup>178</sup> Elia o ne a emetse bahalaleli ba shoeleng . . . ke bolela Moshe, ’me ba tsosoe. Elia a emetse sehlopha se fetotsoeng. Hopolang, Moshe o tlie pele, ha ntoo latela Elia. Elia e tla ba moromuo oa letsatsi la ho qetela, eo eena le sehlopha sa hae ba tlang ho hlaha tshong . . . ho fihla ho . . . be, Hloibilo e tla fihla, ke rialo. Moshe o hlahisitse tsoho athe Elia o hlahisa sehlopha se Hloibitsoeng. ’Me, mono, bobeli ba bona keha bo bapisitsoe hantle mono.

<sup>179</sup> ’Me kamora nakoana ba bona nakong eo, ’me ba bone, ’me Petrose o itse, “Ha re etseng metlotloane e meraro. Ba bang ba be tlasa molao, le ba bang ba be tlasa Elia, ’me re tloheng (kapa ba bang ba bona) ka nqa *ena*.”

<sup>180</sup> Eare ba sa bua, Lentsoe la bua la re, “Enoa ke Mora oa Ka ea ratoang, Mo utloeng.” ’Me ha ba talima, ba bone Jesu feela, tsohle li nyameletse ho a le Mong. Oh, ’me E ne e le Leseli, ’Nete, Tsela, Monyako, Mookoli.

<sup>181</sup> Oh, hosane re nka thuto e kholo, ha Morena a ratile. Hosane re nka “likahlolo”; re nka “lejoe la sardone,” ho bona seo le se lekanyang, seabo sa lona ebile sefe. ’Me re nka e—e—e “jaspere” ’me re nka . . . majoe ohle a fapaneng, ’me re fetisa tsohle tlase ho Ezekiele, morao ho kena Genese, morao koana ho Tšenolo, ho theohela tlase bohareng ba Bibele, ho e lohanya ’moho, majoe a fapaneng ana le mebala, le joalo- joalo. Re ntoo e khutlisetsa mono hantle hape le ho bona haeba e sa loka. Le a bona? Ho bona haeba e se ’mala ona oo le ntho ka ’ngoe, ntho e le ’ngoe feela. Le Oona Moea o Halalelang oo, oona Molimo oo, o bontsang lipontšo tsona tseo, meeka eona eo, ho etsa hona hoo hantle joalokaha O tšepisitse!

<sup>182</sup> O boleletse Petrose, Jakobo, le Johanne, le ba emeng moo, barutua ba Hae kaofela, ho re, “Ba bang ba lona ba ke ke ba bona lefu ba eso ho bone Mora motho a tla ka ’Muso oa Hae.”

<sup>183</sup> Ho bolella Johanne, ho re . . . Petrose a re, “U tla etsa’ng ka eena? O . . . Eena—eena mothaka eo, ho tla etsahalang ka eena?”

<sup>184</sup> A re, “E ka ba eng ho lona ha a ka Mpona ke etla?” Eaba O mo lumella ho phelela ho e bona! Hoba ba bang bohole ba shoe ’me ba faletse, Johanne o ile a phelela ho bona tlhakisetso ea ho khutla ha Morena ka matla, tema eohle e qalile mehleng ea hae ho isa mohla likahlolo li khaolitseng ’me ho kena Sekete sa Lilemo. Johanne o bone sekotoana sohle sa eona, ’me Lilemo tse Sekete li khaolitse, ’me ho qala Mongoaha oa ’Muso. Ka lebaka leo O boloka Lentsoe la Hae, na ha A etse joalo?

<sup>185</sup> Re tla e tšoaea temaneng ea 2. Ha Morena a ratile, re tla qala temana ea 3 hoseng.

Ha re inamiseng lihlooho tsa rona.

<sup>186</sup> Ba ba kae bosiung bona, ka kerekeng ena, ba tsebang, moena ka, ho re, (khaitseli), ho re u tla bitsoa ka letsatsi le leng, e bang u itokisitse kapa che? E bang u itlhophile kapa che, u tla biletsoa ho kopana le Molimo. Terompeta eo e tla lla; 'me ha e etsa, e tla tumisa tsuo ho uena, ea moo u sa tl'o hlola u phela 'me u tla hlokofatsoa mekoting ea lihele tsa liabolose ha re re lebaka la lilemo tse limilione tse ngata, kapa e tla u bletsa Holimo ho kopana le Bahalaleli ba khanyang.

<sup>187</sup> Ruri joalokaha Molimo o bolokile Lentsoe la Oona ho Petrose, Jakobo, le Johanne; ruri joalokaha O le bolokile ho Johanne ea ratoang, mosenoli; ruri joalokaha O bolokile tsepiso ea Oona ho haola le mengoaha ea kereke; ruri O tsepisitse ka thata hakaalo hoba matsatsing ana a qetelo O tla romela pula ea morao le ho khutlisetsa Moea o kileng oa aha holima lefatše ka ho Eena, Leseli le tla hlaha nakong ea mantsiboea le hlahise Matla a le mang, meeka eona eo, le sohle seo A se entseng letsatsing la Hae O ne a tla se bontša hape kahara “Monyako o butsoeng” ona letsatsing la ho qetela.

<sup>188</sup> Ke Ena! Re na le Oona hantle 'moho le rona joale, Moea o Halalelang, Jesu Kreste, eena maobane, kajeno, le kamehla. U a... O ntse o u rerela, O a u ruta, O leka ho u bontša se lokileng le se phoso. Ke Moea o Halalelang ka Seqo o buang ka melomo ea motho, o sebetsang hara batho, ho leka ho bontša mohau le lereko.

<sup>189</sup> 'Me haeba u e-so Mo amohele le joale, le bosiung bona ba Lintši tsa Selemo Se Secha na u ka rata ho phahamisetsa Molimo matsoho a hau le ho re, “Molimo, nke ke amohele Matla a neng a le holima Johanne mosenoli, e tle re ha ke bitsoa ke tle ke hlahe pel'a Hau ka khotso joalokaha le eena a entse”? Phahamisa letsoho la hau. Molimo a u hlohonolofatse. Molimo a u hlohonolofatse. Hohle feela holima kereke. Molimo a u hlohonolofatse. “Ke itokisetse ho arabela disamane tsa ka.”

<sup>190</sup> Ntata Rona ea Maholimong, e re Lintši tsa Selemo se Secha... lihora li ka ba peli feela joale ho tla be ho felile, ho tla thoasa selemo se secha. Seo re se entseng monongoaha re se entse. Lintho li ngata tseo ke li entseng, tseo, ke lihlong; ke a li bakela, Morena.

<sup>191</sup> Hape ke entse tse ngata tseo baena beso ba bangata ba sa li utloisisang. Banabeso ba bangata masimong ha ba utloisise hobaneng ke li entse joalo. Empa, Ntate, ke li entse hobane ke etelletsoe ho li etsa. Ke a rapela, Ntate, le ka mohla ho se ntumelle ho soabela tataiso eo. Feel a ntsamaise, Morena, ho tsoelapele ho phethisa kamoo ke tataisoang kateng. Nthuse, Molimo, hobane ke batla ho tseba thato ea Hau ka ho shoerella, ke tle ke e etse ho tlisetsa (joalokaha U mpontšitse lilemong tse ngata tse fetileng ha ke falla kerekeng ena) batho ba lefatše Bohobe ba Bophelo. Mohlang oo ka bona thaba e kholo ea

Bohobe, le Bahalaleli ba liaparo tse tšoeu ba tsoa lefatšeng lohle ho ja Bohobe bona ba Bophelo. Oho Molimo, ke se—oho Molimo, le ka mohla, ke se hlolehe ho fepa batho Bohobe ba Bophelo le ka mohla.

<sup>192</sup> Hlohonolofatsa meeа ena e lapileng ka mona e phahamisitseng matsoho hona joale. Ba batla Bophelo ho feta moo. Ke U rapela ho ba tlatsa ka Moea o Halalelang, Morena, e mong le e mong oa bona. Molimo, aba sena. Ba fe mahlohonolo. Thusa baena ba rona, hohle.

<sup>193</sup> Hlohonolofatsa baena ba rona ba bareri ba itokisetsang ho nyoloha hape, joale metsotsong e 'maloa, ba bang ba tla be ba bua. Re rapela hore ba abe Bohobe ba Bophelo bosiung bona, Ntate, re sa tla mamela ka hloko le ka hlompho ho utloa Lentsoe. Aba sena.

<sup>194</sup> Re hlohonolofatse. 'Me selemo sena se secha se thoase ka litšepe tse ncha, ho hlahisa mehopolo e mecha, litšenolo tse ncha, matla a macha, oh, tsohle. A nchafaeltsoe rona hape, Morena, mahlohonolo le lipallo tsa Hau. Re inehela, 'moho le thapelo ea rona, matsohong a Hau. Ka Lebitso la Jesu Kreste. Amen.

Ke a le leboha, baena le likhaiseli.

<sup>195</sup> [Moena Neville o a bua: "Ke kholoa bohole re thabetse ha re sa ka ra potlaka 'me nka be ke ile ka thabela ho lula ke mamestse; ha Moena Branham mona bosiung bona a re tlisetra molaetsa ona. 'Me ke molaetsa o re khothatsang hobane re a tseba hoba Molimo o ho oona. Amen."—Mong.] Rorisang Morena! [“Me seo A se boletseng O khona ho se phethisa hantle le ho isa ho khutleng ha Hae hape.”] E. [“Me O tla e phethisa, e seng hoo feela, khafetsa ke itse . . . hangata re re ho batho, ‘Na u lumela Jesu Kreste a ka u folisa?’ ‘me, ehlile, ka tloaelo u etsa hore ba e lumele. Empa taba ke ena, na u lumela A tla u folisa hona joale?”] Amen! [“Hape ka nako tse ling batho ba re, ‘Be, ha ke tsebe.’ Leleiti le sa tsoa hlokahala kokelong; ke ile ka kena ho mo bona, ho re, ‘Khaitseli, na u sa ntse u lumela hoba Jesu o a pholosa?’ A re, ‘E, ke etsa joalo.’ Ka re, ‘Na u a lumela hore Jesu Kreste o a folisa?’ A re, ‘E, monghali, ke etsa joalo.’ Ke itse, ‘Na u lumela A u folisa hona joale?’ A re, ‘Ha ke tsebe taba eo.’ ‘Me ka re, ‘Khaitseli, u ka e tseba hobane tšepiso eo e etselitsoe uena.’”] Amen! [“Amen. O entse tšepiso. Joale, re tla utloa e mong oa baena ba rona mona. Re na le ba ‘maloa kahohle mona . . . Bosiung ba Lintši tsa Selemo se Secha, ha re a hlophisa lenaneo pele. Re kopana feela re lumella Molimo ho tsamaea kamoo O tataisang le ho etella pele.”] Amen! [“Me le a tseba, khale re qetetse ho utloa Moena Pat Tyler ho paka le sohle seo Morena a see beang pelong ea hae. ‘Me re tla kopa Moena Pat ho tlisa sohle seo Molimo o se beang pelong ea hae. Empa pele a nyoloha, moena ea lokileng oa Mokreste morao mane, Moena Randall Hyman, o teng mona ‘me o tšoere talenta ea Morena ho bina ‘me le a tseba. Ke lakatsa

feela ha a ka sebelisetsa talenta eo bakeng sa Khanya ea Molimo, ke tla kopa ke hona Moena Randall ho nyoloha ho re binela. O re binetse hang kapa habeli mona 'me ke tla mo kopa ho sebelisetsa Morena Jesu talenta ea hae hape bosius bona, ha a rata. Ha a ka tla re binela joale. O na le bacha bao a thusang ho ba hlokomela morao mane, empa mohlomong a ka tloha hona joale ho tla re binela. A sa etsa joalo, re boetse re fumana Moena Kinder morao mona; moena ea ratehang oa Mopentekosta, re mo thabetse. 'Me re na le Moena J.T. Parnell morao mane nqa e nngoe. Ke kholoa a lutse hantle morao mona moleng o lephakong. 'Me re thabetse baena bana babo rona bohole ba lokileng ba Bakreste . . .'] Beeler mono. [“. . . banabeso ba tumelo 'me a re boneng.”] Moena Beeler morao koana. [“Moena Beeler o morao mona, le eena. E. Moena Beeler o teng mona 'me . . .”]



*TSENOLO, KHAOLO 'NE KAROLO I* SST60-1231

(Revelation, Chapter Four Part I)

THERO LETOTO TSHENOLO EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Moqebelo mantsiboya, Tshitwe 31, 1960, mane Branham Tabernakele, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)